

淮海英靈集  
六











淮海英靈集 六

阮元輯



中華書局



# 淮海英靈集

王永吉字修之號鐵山高郵人明天啓進士官勳遂總督本朝順治二年順天巡撫宋權薦授大理寺卿四年

費各項抵色銀奏請遣官往直省恤利尋攝工部右侍郎旋罷歸復起戶部右侍郎條奏衛所屯田請撥上田給運丁濟進

王皆見採擇又奏開海口故道以洩淮泗之積邪宿淮揚始免昏墊時湖川閩廣方用兵歲又游饑泰諭曰

定直省必宜良策具以聞永吉因言汰老弱之兵清缺額之馬以百萬之餉計之歲可省二十萬即以所餘酌

吏部尚書事十四年夏旱奏請清理獄囚奉敕下所司議行十五年四月仍授國史院大學士加太子太保兼管

吏部尚書選左都御史十六年二月卒贈少保兼太子太保子遣官護喪歸里

病起和王印周水部見贈

一多高臥婉袁倅米何顏飽大官絳雪元霜封藥竈金莖玉露接仙盤羞垂白首花前飲借得黃庭月

下看老去不堪歌絕調忍將清淚對君彈

李宗孔字書雲江都人順治丙戌舉人丁亥進士由部授御史改給事中在臺垣先後疏凡四十餘上皆關吏治民

以龍畏之家藏書畫甚多

清明過北郊有感

繁華今古一邗關令節遊人夜半還士女爭攀隋苑柳笙歌齊占夕陽山春風如舊胭脂冷逝水依然舟

淮海英靈集 丁集卷一

四二三

楫閒無復從前耆舊在。高枝黃鳥自緝蠻。

同人小集祕園看垂絲海棠和韻。

好鳥啼雲二月時。捲簾側看亦垂垂。豔陽得伴臨粧早。紅燭宜人照影遲。著意三春添繡線。柔情一寸袅晴絲。膽瓶莫漫輕攀折。正恐花魂戀故枝。

李

沛字平子。興化人。明太師春芳四世孫。負才尚氣。肆力古文。尤長于詩。著平菴詩集。

遊山子廟

南郭乘春去。西郊載酒還。遠村俱帶水。古廟獨依山。麥秀千畦綠。花飛兩岸殷。移舟看浣女。落日照紅顏。

雨中過玉山贈鏡上人。

支公開社玉山岑。乘興扁舟事遠尋。兩地烽煙勞夢寐。一秋天氣半晴陰。風吹岸柳狂難定。浪捲檣帆去不禁。獨有妙香峰頂塔。年年孤立大江心。

李

沂字子比。一字艾山。號靈菴。興化諸生。明太師春芳四世孫。沛之從弟。詩不喜晚唐。力闢竟陵一派。與中州張魏客兄弟相爲飲助。於是興化論詩者多宗之。性情和易。而好神仙家言。著鸞鳴堂集二卷。五言如疾病聊稱隱。干戈敢怨窮。波光搖閣影。蓮氣染僧衣。地卑愁夜雨。垣短聚春星。樹密知村近。溪回指塚高。釣船同月繫。螢火雜星飛。回聽鷺獨樹。新月冷雙扉。浪明川受月。巖黑霧吞林。皆幽秀可誦。

廣陵雨中走筆贈宗七鶴岡。

浮雲本無心。風吹任飄泊。乘興復茲遊。江春遠蕭索。旭曜隱層空。密雨灑飛閣。撫時意於邑。念舊情緬邈。

宗子南士秀，詞賦久璀璨。昔年同攜手，共訂文酒約。中道伯兄殂，佳期還寂寞。到今古渡月，空來照城郭。頻年臥滄浪，衰疾紛倚薄。便當策短筇，行采南山藥。覽與故人遊，揮手凌寥廓。

陸縣圃新構草堂歌

陸生營草堂，宗生來作歌。我見宗生歌，使我淚滂沱。千金駿馬黃金絡，鄉里小兒氣揮霍。憂人窮巷日高眠，滿腹詩書徒錯莫。宅邊隙地苦無多，量材鳩工費揣摩。編荻爲垣茅作瓦，日日東隣聞咏歌。陸生所交裁數子，我與宗生兩人耳。兩人困頓同陸生，陸生自謂逢知己。基枰酒盞兼詩筇，時時同過草堂中。桃花李花開春風，笑指海日飛晴空。歸鴉紛紛噪城郭，分手更訂來朝約。

短歌贈冒青若

有欲不利，青若父者，青若遇諸門被四創，而父獲免，作短歌贈之。

連

身受四刀不肯避，以身捍父死不計。父全寇退身始僵，戶外淋漓血滿地。身受四刀身不死，孰云陰相非神鬼。解衣揮涕向我言，歷歷刀瘢猶在體。

送平菴遊安東

南國秋風起，高齋落井桐。爲憐垂老日，踪跡似飄蓬。無限平生意，蒼茫杯酒中。相思一片月，張挂海門東。

哭兄翰史

卒卒餘生盡，悠悠萬事空。形骸俱有敝，宇宙自無窮。稼穡終身隱，文章早歲工。傷心青草色，池上又春風。

暮春懷王仙掌

淮海多佳士。如君未易求。老尤耽翰墨。貧不礙風流。衰茗花三徑。彈琴月半樓。滄浪冰始泮。挂席下揚州。

客舍遣懷

江樓畫角起高秋。漸覺霜威冷石頭。獨夜夢魂迷舊侶。黯窗風雨入新愁。庭空野水蒹葭老。歲晚他鄉茅栗收。頗怪薄遊成汗漫。朝朝天際有歸舟。

勸孫無言歸黃山

君欲歸山胡不歸。黃山山下有柴扉。數羣門外鹿常過。萬縷牀頭雲自飛。澗響鳥喧春策杖。嵐光松色曉披衣。新安江口正東望。三十六峰橫翠微。

遊山子廟

尋春聊出郭。晴色帶川光。綠扇芳堤女。銀箏畫舸郎。鸚藏深木囀。花擁醉人香。古冢花原上。萋萋碧草長。

李

瀚 字士翔。號繒史。興化人。

春夜書懷

村舍獨愁人。寒窗坐一燈。餘生同短燭。世態似春冰。避熱一何往。低頭百不能。長懷無限恨。不覺淚沾巾。

鄧勸

字方回。壽州人。



廣陵贈杜茶村

青山未買欲何依。閱歷深緣事事違。江海波迴蒼舊盡。風塵人散管絃稀。笑看彈鋏傾青蓋。喜共論心只布衣。浪跡一生詩滿篋。百年吾道付漁磯。

周

漁號素庵。興化人。順治己亥進士。官翰林。

采菱曲

采菱莫采葉。菱葉密且齊。獨有郎與妾。飄泊各東西。  
采菱莫采花。菱花照妾面。妾面空如花。郎而不可見。  
采菱莫采角。菱角銛於鍼。不堪綴衣帶。時時刺妾心。  
采菱莫采根。菱根隨水長。郎行不棄妾。妾願隨郎往。

江上

雲中樓閣分明見。江上芙蓉次第開。白鷺幾羣依水立。青山兩岸放船來。

宿龍潭閣贈水上人

竹閣臨潭近。山溪得雨通。光搖千尺雪。響動一林風。沾酒陶潛在。燒豬佛印同。勝遊吾不倦。來往白雲中。

孫

模字皆山。通州人。順治時布衣。

舟返東臯寄訊潛夫

悔過東臯日已斜。秋風七月老兼葭。十年離別君遠里。兩度相逢我去家。垂老幾人還小隱。薄收荒畝却宜瓜。古庭芝草讀書處。竹杖青尊溢紫霞。

陸廷掄字懸圃。興化人。足不入城市者三十年。深于史。好曾南豐文。與李艾山陸廷掄。王築夫爲友。嘗修泰州志。體例精嚴。爲時所稱。著臨甯堂詩文集。

過高文義公墓

夢賁推商佐。名昭協漢符。坐陳師保訓。入告帝王謨。正直朝廷忌。公忠造化孚。艱難躬盡瘁。險阻道如愚。寵叟蕭何履。恩承霍氏圖。小心扶少主。高義激頑夫。麟閣勳猶在。鸞臺跡已蕪。台衡星錯莫。鐘鼎字模糊。故國燕山外。荒墳楚澤隅。林深碑竄鼠。壠圯穴生狐。寰海勞征戰。關山急轉輸。空歌師尙父。不見管夷吾。日月光愁寂。風雲氣鬱紆。巖廊需一老。煙水弔三孤。松柏森幽徑。荆榛塞暝途。何人懷舊德。樵子薦生芻。

李景福字梅隱。號遜菴。興化人。

暮春遣意

三春看又盡。身世一飄萍。草識王孫意。花傷遊子情。殘燈和夢斷。濁酒帶愁傾。春色將年老。悲歌送此生。仲夏歸里舟中卽事

歲歲驅行客。風塵染鬢斑。天光平墮水。雲影薄銜山。野寺松杉古。輕鷗沙渚閒。鄉關應漸近。客夢豫期還。



與宋擇先同舟至廣陵卽送返白下。

聚歡良不易。恨別復相仍。茅店三杯酒。孤篷兩夜燈。聽鷄殘夢斷。擊楫暮江澄。遙憶君回首。煙雲更幾層。

孫兆祥

字泰階  
高郵人。

卽事

謗篋一朝開。孤臣絕塞來。風迴鉦鼓壯。霜隕節旄摧。鐵騎塵猶暗。玉關人已回。咸陽中夜月。無奈笛聲哀。

冒

字無譽。如皋人。  
冒。嵩少次子。

詠懷

黃鵠摩長空。斥鷃棲卑枝。翻飛異塗軌。羽翮各有宜。力弱不自料。思與黃鵠齊。中途一失所。烏雀羣見欺。何如安枋楡。飲啄隨所依。

隘途躋駿足。安步伸庸材。按劍忽不懌。西風臨高臺。極目空浩蕩。古人骨已灰。鄼侯奮刀筆。驍騎起驚胎。一朝附龍鳳。英氣被九垓。何必困雕蟲。坐令兩鬢衰。

胡安定先生祠前雙銀杏歌。

銀杏竝植古祠旁。高枝摩盪干穹蒼。問之野老迷歲月。但見皮肉屈僵苔蘚裂。清陰足可覆十畝。峻嶒老幹如峰立。剪伐難充棟梁用。盤踞翻逃斧斤厄。行吟偶憩茲樹中。悲風颯颯號長空。廟門剝落四壁傾。碑

記猶傳安定公。先生講學祀桑梓。人事屢更廟不徙。祇餘几案生塵埃。時聞樹底宿牛豕。君不見大行羊腸莫比數。上有毒蛇下猛虎。一朝火符造樓船。桂柏椅桐氣淒苦。吁嗟銀杏藉公可。不朽爾且孤根託茲土。

陳其年至自陽羨。伯兄招讌。卽席限韻。

茫茫世路且悲歌。笙管更深雜奏多。裊裊香煙騰寶篆。娟娟晴月上藤蘿。雕龍家世原堪問。蠟鳳年華最易過。正是客星高會處。柴門昨歲尙橫戈。

水繪菴夜泛

小艇迴溪一徑深。亂鴉叢竹晚沈沈。小三吾下春波靜。日暮瀟湘共此心。

冒丹書

字青若如阜人。

題左寧南軍中說劍圖。贈柳敬亭。

玉帳登壇夜論兵。將軍出塞氣縱橫。可憐多少銜恩客。寫向丹青只柳生。

冒嘉穗

字穀梁如阜人。

上巳脩禊水繪園分賦。

亭亭礪底松。泠泠琴中鶴。陟阿媚層崖。激水映花萼。嬋媛紅芳年。歷歷青山郭。惟恐鷓鴣啼。春花坐零落。

送王阮亭先生北上

僕夫告行邁，車輪何嘽嘽。出郊授良綬，涕下如洑瀾。六年荷歡愛，感激非一端。詎止顧恩私，實慮知音難。夫子青雲姿，流光照鸞鵠。鄙人守其介，藜藿相盤桓。追餞出郭門，賓從耀銀鞍。豈無一尊酒，簫鼓不能歡。飄飄晨風飛，安得藉羽翰。

冒念祖

字立修，號思堂，亦號桐堂。如皋人。家有藏書，披吟不輟。淮不喜帖括事，素著聯吟，坐客常滿。年八十三卒。有遺稿一卷。

題叔父何文先生宅

羊角哀空老，還依左伯桃。鯛魚應可餌，天馬定無槽。通德門難認，青陽巷不驕。倚牕見荼蓼，秋盡未曾薶。

戲柬徐湘浦

小部梨園記昔時，迦陵詞賦阮亭詩。百年歇絕風流後，又見當筵舞柘枝。

程式莊

字敬哉，號菴亭，江都人。工詩。秀水朱檢討銘尊，稱其沈辭硬語。弗徇時尚，近體間涉樊南遺山之間。所著有紅藥書莊詩二卷。

始遊烏龍潭二十韻

無能肆遐矚，跼蹐慙蓬蒿。近稍試礪确，快如跳猿猱。縈迴出林薄，窈窕歷蘅皋。榛菅沒阿閣，雉兔馳空壕。長亭不可攀，誰復慨勞勞。小憩意纔足，稍深興益豪。茂樹際煙蹬，晚秔捷霜刀。墟遙寡鷄犬，烽靜閒桔槔。飛巖矗傑觀，方瞳疑仙曹。老桂數十本，秋香灑輕颺。孤樹亦復佳，盡我壺中醪。緬懷烏衣郎，千載歇風騷。

潭潭夢筆邸。鴟鵂與猿號。不知野色暝。坐見山月高。志愜路若舊。蹊荒心彌切。懷然下歸策。幽賞欣所遭。三年輒報罷。幸此足遊翺。吾生幾兩屐。何必焚油膏。處賤迫魍魎。固窮守綈袍。裹足那無時。終當挾雲濤。

汧口地有煙波

卻月孤城俯大河。一灣清駛接煙波。嶺猿空惜吟楓樹。山鬼休矜帶女蘿。自昔餽糟原盡醉。祇今鼓枻尙聞歌。風帆擘岸知何定。夜雨將愁入敗荷。

山中晚眺

樵風吹笳屨。緩策試婆娑。江上磬初杳。樹頭雲已多。孤帆收蓼溼。遠火下漁歌。更欲尋前磴。流螢點薜蘿。

水後重過橋墅二首

漸見邨煙聚。荒畦復下秋。祠空巢老鶴。樹遠占斜陽。紫秫初冬釀。銀魚昔歲糧。年來歸思切。誰買讀書堂。

木瀆舟中

暝煙昏匣碧玲瓏。幾樹牆隈綻小紅。潭影照書前夜雪。竹聲吹夢隔灘風。孤遊試欲尋僧醉。小泊纔因得句雄。坐到鴨爐灰篆冷。可能消盡氣如虹。

紅藥書莊雜詩四首

小屋環漣漪。低窗亞紅素。繇繇蒔上花。不願漁人顧。葛蟲  
虛寮香火寂。小徑入檀欒。坐對蹲鴟熟。何人婉嬾殘。櫻芋  
松子落寒扉。夕陽挂高柳。牆外櫓聲低。賣魚過輞口。水南草  
十丈藕如船。短篷不知處。晚來山雨多。更入花深去。蘆花

春曉曲

杏梁落月紗寮冷。紅絡守宮人未醒。抽金柳葉一行斜。兩雨乳雅藏綠影。香篝凝恨倚雲屏。恩恩好夢尙  
帶騰。遊絲坐對青春老。誰把金烏繫玉繩。簾前鸚鵡嬌如妒。不管人愁亂相訴。小姑初起蠶苦飢。攜筐又  
踏桑間露。

朱竹垞楊晚研查查浦三先生晚過草堂小集說詩

寒廳淨秋影。黃花冉虛階。雅興詩興會。整鬢來青鞵。略無禮俗拘。瓜果亦復佳。瀾翻沝流派。八音鏗鏘諧。  
邈然扶微旨。真骨凌霜崖。幽思若或近。情寄天之涯。別才不關學。啓自嚴叟乖。儼然肆攬拾。騷雅蒙塵藪。  
韓公善持論。膽大超形骸。不由茲窮造。借而終優俳。寄語苦吟人。毋爲工蟲蝸。

北上留別同學

芙蓉塘上把離杯。況復魂銷暮雨催。瘦馬背人荒磧去。孤城送客夕陽回。天低赤嶺投寒堡。草沒黃金過

廢臺試折一枝南陌柳前途知有杏花媒。

吳世杰

字萬子。號厚庵。高郵人。康熙壬子舉人。乙丑進士。讀書有才略。嘗甲寅三逆亂後。江西婦女。流亡在揚。里役。次第遺歸。庚申水入城中。一晝夜高數丈。杰帥民夫徒跳立水中。築城。水乃止。乙丑。暴風雨。水衝郭落。杰多賃小舟拯救。水退。復壓流尸無算。民有就賑揚州者。下濕上蒸。慮風疫。杰治藥餌。市米麥以給之。不能歸者。買舟送還。高郵舊有公正排年等名。民苦於役。會湯文正公斌。巡撫江南。杰以書謁。條指漏卮事。婉婉數千言。爲桑梓請命。湯廉得其狀。悉蠲除之。歲省役銀萬。邑有趙僕李氏。昏夜遇強暴死。時論介在疑似。不得以節烈稱。杰爲文辨之。復作詩立傳。當事悟。強暴卒正典刑。他若白冤四。字孤穉。恤喪紀。皆爲人所不能爲。至今江淮間。猶稱有川之學云。卒年四十八。著有雙湖草堂詩文集行世。崇祀鄉賢祠。

遊西山勝果寺贈景山上人

駘蕩生春風。杖策出晴郭。馳暉接陰崖。風光浮廣漠。迢迢登化城。鳥喧覆林薄。剔泉灌朱櫻。列石隱紅藥。萬木被華滋。柔荑麗岑嶸。睹此忽心賞。入山非寂寞。四顧欲忘言。仰看雲際鶴。結念青冥上。攀崖意彌敦。懷新餐墜露。舉異挹芳蓀。天外歸鴻迴。階前芝草繁。揮塵揖生公。精言清心魂。繕性觀元化。習靜屏雜氛。與君共怡悅。趺坐青雲根。

裂帛湖

巨靈鑿山真宰泣。雕鏤萬象寒髓澀。翦取清陰四幕垂。忽焉裂帛天光失。此時驪龍不得眠。怒吐頰珠弄白日。大珠已落小珠隨。迸入空潭媚蕩瀟。日光激射無停影。石骨溪毛不敢匿。晞髮陽阿駐晚暉。練曳寒光空佇立。

望洪廣寺

古寺阻嶙峋。巨靈吐鋒鏑。逶迤度回蹊。俯仰坐寥廓。翠棧窮雕鏤。丹幃列鎖鑰。崖峭疑螭蹲。峰盤看龍攫。空谷既澄鮮。飛泉復參錯。文羽傍沙翻。松陰依澗落。塵思生鬱紆。迴眺欣所託。達天境自遣。矜名意已薄。迴首望林陬。紛紛發紅萼。

春日途中

荒臺白尺鬱嵯峨。馬首空歸發浩歌。驛路不隨芳草盡。鄉心偏向白雲多。佳人薄暮吟修竹。山鬼乘風帶女蘿。悵望日南頻極目。樓船下瀨正橫戈。

流民行

疊疊陌上子。飢驅無寧晷。驚聞鄉語一相訊。云住甓湖湖畔東阿里。殷勤語流民。慎勿他鄉徙。他鄉雖云樂。不如還鄉力耕作。飛鳥思故林。遊魚思故淵。況有他鄉疫癘相烹煎。流民流民歸來許。會有慈母來哺汝。

李玉鉉

字寶南。號但山。通州人。康熙丙戌進士。由知縣官至福建按察使。有但山詩草。陳太僕兆崙爲之狀。略云：制撫薦舉粵東賢員第一。聖祖仁皇帝召而嘉之。授戶部主事。尋遷兵部職方司郎中。雍正元年。出知雲南楚結府。姚安府土司高德厚。恃勢占民田五百三十餘家。七千七百餘頃。民人控告。歷六十餘年。訊鞫未斷。公搜剔罪狀。地歸民業。高德職五年。世宗召見勤政殿。溫綸獎譽。賜御書。授福建甌諸驛傳道。福之汀州。灘河險阻。歲運兵糧至省。舟多覆沒。官民交困。公奏改折色。至今稱便。八年。陞貴州按察使。調福建。設鳴冤之鼓。

一字之入，必親鞠理。漳州平和縣，有胡家村，重樓峭壁，緣亘十餘里，一家殺無罪數人，制撫行提三年，渠魁未得，請旨發兵行勦，公念大兵一至，玉石無分，泣請大吏，力肩其事，造原任平和知縣沙溪纓，登山開諭，胡氏感泣，獻囚犯三人，而事以解，又福之臺地，易於種植，內地之民，多往樹藝，有偷渡之禁，而莫之止，公亦力請制撫，奏明開禁，至今稱樂土焉。雍正十年，告病回籍，十一年，特旨召見，賜御製詩文，端硯二方，人參四觔，貂皮十張，復任福建按察使，十三年卒，年七十，上疏乞骸骨，予告回籍，立義田千畝，以給族之貧者。乾隆十一年卒，年八十有一。

赴臬司任

竹杖扶持病鶴形，明刑詔下五雲廷。繡衣一著容先瘦，信案將成筆又停。坐月無聲憐鬼哭，擁衾有夢見天青。自慙折獄才原短，切記欽哉勒石屏。

李彩升

字荆州，號一識，通州人。玉鉞次子，附貢生，官桂林訓導，著有課魚莊詩草一卷。

風雨聲

瑟瑟商飈動素秋，況兼細雨柳梢頭。蕭條漸逼重陽節，浙瀝平添旅客愁。帆落暮江遲放棹，簾垂深院怕登樓。最憐籬畔黃花瘦，佇望來朝煙霧收。

李

字望雲，號鐵垣，通州人。彩升次子，附貢生，著梅花樓秋吟一卷。

歸里行

洛陽季子歸故鄉，黑貂破敝愁風霜。函關十叩遭按劍，阿妻見之慵下堂。會稽太守未遇時，拾薪道旁歌楚詞。青蛾洵惡但求去，藁砧如此留何爲。五十富貴君誤矣，公等合死溝中耳。漢廷忽聞莊助言，山樵輟



起紆青紫。阿殿聲。繅繅長。晝行衣錦回鄉里。阿夫擁篲故夫來。一去難收成覆水。當時不願結髮生。只今翻肯投繯死。千古炎涼起婦人。前有季子後翁子。

李紹曾

字真泉。號啓浦。通州人。早卒。著有啓浦小草。

### 寒食日出遊

腰肢纖細掌中輕。綠鬢紅衫半繞城。十里晚風環珮遠。小桃花外一聲鶯。

成康保

字安若。一字尚衡。寶應人。康熙壬子舉人。己未進士。授中書。丁卯分校京闈。癸酉典山西試。戊寅以例補外爲台州府同知。壬午卒。崇祀名宦。初康保治台。嘗肅保甲以輯盜。興學校以養才。清屯衛海關積弊。

改仙居額徵。解寧海之米爲折色。以便民。台人德之。著有周易闡微。春秋要旨。左傳解。讀史辨譌。詩則有偶閒草。晉遊集。皖遊吟。

### 述懷

綴石分花小結廬。幽閒真似野人居。狂譚不借三升酒。跌坐能消一卷書。楊柳綠齊春雨後。海棠紅趁曉風初。東隣有客喧闐甚。嬾慢何心問子虛。短褐朝天漏未殘。明星三五拂征鞍。似拋雪案孤檠外。猶剩霜毫兩袖看。上客軒車逢謝晦。舊家僚佐有任安。歸來莫遣塵侵榻。一曲松風獨夜彈。蕭條官舍晝常扃。墨霧茶香自一庭。月上層陰看霽色。風前薄醉已鈴鐸。爲憐翠袖穿花出。不放紅牙入夜停。列卒鳴笳爭意氣。羞將華髮對台星。

贈都閫張盛榆

元戎千隊擁牙旌，紫帽輕裘出塞行。廣武高名原博物，建封壯志且論兵。玉鞍夜獵黃花戍，羽扇晴揮白鳳城。却喜丹鉛多暇日，深杯細酌說平生。

王光魯

字漢恭，江都人。居瓜洲。幼讀書必觀其全，精于考訂。著閱史約書五卷。詩宗少陵。有碧漸堂詩草一卷。順治丙申刻。熊敏慧爲之序。敏慧爲漢恭姊夫。郡志乃以閱史約書爲敏慧著，誤也。

酬李叔則先生

烹丹火未足，嘗之誤鷄犬。姬姜御百兩，鄰女啼已晚。發篋理故書，汲綆一何短。古處爲我歡，伊爾終不遠。命酒傾一杯，秋花照窗案。

拭劍篇

蛟龍驅雨遊何鄉，飛還夜半聲空堂。主人捧手出瑤室，沃之斗酒生寒光。數點土花瑩古鐵，知是何人頸邊血。袍衫拂拭愈分明，坐倚愁心向孤月。事之悲歡心焉可數，獨鶴夜鳴爲公起舞。

方

字右人，儀徵人。工書善畫梅。兄名仍。字乃人。康熙間二方詩名，甚重于郡中。歿後遺稿散失。子迎年，搜輯殘稿一卷。

寄張功銘先生

知君旅舍好，山水與縱橫。一杖寒雲出，重門曉日清。消閒常作賦，縱飲不談兵。夢到家鄉遠，相思白髮生。

寄吳孟辰

矯矯飛鴻翼。何時奮八埭。孤雲憐伏枕。落日自銜杯。楚水兼葭渺。江聲風雨來。狂吟懷契闊。唯有不羣才。

病中對雨

何處可逃俗。茅齋媿未能。百年身是客。昨夜夢爲僧。細雨休羣雀。高簷敞一燈。囊空無藥物。不覺病朝增。

梁

暹 字樂圖。江都諸生。

梅花

化工作意本無私。先露東風第一枝。自是繁華都落後。何常冷淡不逢時。三冬瘦骨無人見。十數冰心有鶴知。莫道春來開最早。香魂一樣費支持。

金玉聲

字崔貽。泰州人。著有笑翁草一卷。

園居

園居半畝地。好結我茅齋。桐老陰逾屋。苔滋淨到階。蟲聲吟曲榭。月影落幽厓。匪有袁安興。能閒一兩鞍。

盧恆允

字龍孫。通州人。著有修來堂集一卷。

遊鍾秀山

極目空天際。身來最上層。雲飛輕似鶴。樹老禿於僧。題句還尋葉。烹茶便折藤。何時長此住。清淨續傳燈。

張連翼

字明生。江都人。世居邵伯鎮。父大倫。字印亭。在明末有詩名。明生紹父之學。亦以詩名於一時。葉彌廣稱其滑稽解頤。消人鄙憾。歿於康熙癸丑。著清勝亭雜詠一卷。

吳陵七月憶友

棠湖話別手難分。目斷吳陵幾片雲。  
流火簾清殘暑褪。當風人憶酒杯深。  
唱酬有句應箋我。象緯求占欲叩君。  
何日再邀萍水合。尊前那復惜離羣。

登山

杖策轉山腰。猿啼入聽遙。僧蹊雙足健。  
樵擔一肩高。四顧嵐光出。平看樹影交。  
白雲摩頂上。瀑布捲飛濤。

季堪倫字小石。號伏堂。泰州人。

春殘次家四兄吟四原韻。

桃花落盡柳花殘。又見庭前放合歡。  
半榻風迴驚午夢。一簾雨濕怯春寒。  
不堪遙集囊常澀。自覺休文帶欲寬。  
莫道貪遊常秉燭。韶光九十指輕彈。

寄姑蘇顧俠君嗣立太史

阿瑛高曠近如何。聞說評詩臥薜蘿。  
鵬倦應非修羽翼。鳳饑知是避罾羅。  
人生僻海才原少。夢渡寒江路不多。  
笑我年來疎懶甚。百花洲畔幾時過。  
海濱白社幾人存。謂陋軒。仙裳。孝威。西齋。勿齋。大村。恕堂。諸前輩。剩得吾家老弟舅。謂家喤。四。投刺客來旋下榻。  
送茶僧去便關門。看他遠岫雲千疊。照我空梁月一痕。  
有句寄君君莫笑。居難居易任評論。

鄧漢儀

字孝威·泰州人·博洽通敏·尤工于詩·與太倉吳梅村·主盟風雅者數十年·康熙十八年·舉博學宏詞·以

之·嘗論近代人之詩·爲詩觀若干卷·中有應禁之人·奉旨抽燬行世·

曾庭聞自潤州柱顧草堂賦贈

偏是窮途重友生·柴門握手淚縱橫·一時聚散兼貧病·千載存亡只弟兄·宅巷重尋車馬跡·江湖猶戀鼓  
鼙聲·與君試話封侯事·慷慨悲風萬里情·

錢塘江行

夷險寧前算·鳴榔已便風·魚龍汀草外·吳越浪花中·樹近知江狹·山回引岸東·飄搖終快意·萬里一漁翁·  
桐廬舟進

古塔空亭樹影寬·鱗鱗夕照落寒灘·却將鳥道桐君宅·都作蠶叢畫裏看·石勢巉巖森洞壑·江聲欸乃出  
檀欒·月明風緩舟仍進·便訪鷗鷺未是難·

章門逢談長益·約同訪徐巨源·陳士業不果·

章江寒色上漁蓑·客裏逢君踏葉過·萬里烽煙長草屨·一生魂夢客銅駝·依人四海平原盡·哭友空山杜  
宇多·我欲同尋高士宅·風帆明日又牂牁·

山行趨大庾

莫愁前路杳。日出正東峰。人馬盤空細。煙嵐返照濃。過崖星陡見。近郭火偏逢。更喜灘聲外。層層響亂松。

晚抵三水

昏黑仍前發。疎星破寂寥。岸明知有沒。船動覺生潮。海道羣龍會。山城百雉驕。稍因兵舸接。盜賊減三苗。

遊海珠寺登丹霞臺眺望

晚岸潮生擊汰回。驚看萬水觸墩臺。不知何代琳宮廢。竟作軍營鐵礮開。健卒自吹橫海角。瞿曇難拭戰場灰。茫茫春浪占城遠。獨自浮鷗日暮來。

嶺南作

絕島誰傳鳳母生。五羊城角暮煙晴。蠻花爭傍陳隋碣。海道曾過秦漢兵。百戰地埋烽火黑。中宵龍抱寺燈明。無心更訪厓門事。月黯榕村破帽行。

詠懷

南漢山川戰血斑。尙留花塢荔支灣。可憐雙女降幡動。寂寞昌華輦路閒。雲暗陰岑犀甲多。風吹漲海蜚船過。好看銅鼓荒祠下。萬古人傳兩伏波。戰艦黃昏覆淺灣。陰雲千載疊空山。銷魂最是煙波客。陪葬君王有白鷗。刺桐花發鷓鴣啼。蘭葉春生翡翠低。底事風流濠畔盡。女香姑葛一時迷。

張登子招集喜遇胡豹生感賦

別汝真經十五年。瘴南重遇百花天。中間生死誰書札。此地悲歡盡酒筵。萬里河山驚臂策。一時兒女對烽煙。英雄老去心情改。淚盡高涼洗廟前。憶昔邗江集寶衣。花間吟好送斜暉。西湖戎馬君寧見。南越樓船事已非。宦拙終緣家口累。客貧難向戰場歸。春風嶺外聊羈跡。萬事銷愁有宋禕。

濛濛歸舟偶感

青茅春瘴逐山流。細雨孤帆漾客愁。聽徹猿聲江更闊。祇疑天上是韶州。

萬安道中病臥至章門小差時值清明

過嶺風花陌上狂。冥冥細雨入孤航。客中人病經寒食。愁裏鶯啼入豫章。垂柳軍城殘日動。新煙漁浦戰雲荒。不知麥飯江村路。寂寞誰來弔國殤。

厲烈士招遊天寧寺塔有作

千丈浮圖未敢登。佛龕聊與伴香燈。十年親酌曹溪水。我亦江湖破衲僧。

宿八里江

對江湖口縣。此地只孤村。夜色圍廬嶽。風聲觸水門。地防蛟穴鬪。人習虎崖蹲。且復高眠去。天涯易斷魂。

過江州琵琶亭

江州遷客未歸秦。絃索初聞淚滿巾。今日善才風調盡。蝦蟆陵下總新人。

孟冬朔日遊赤壁

彈指滄桑屢變遷。黃泥赤嶼尙依然。卽看洲渚蒼蒼出。剩有風帆片片懸。隔岸樊山晴欲雨。夕陽蟠冢水連天。憑誰喚起吹簫客。重上蘇家載酒船。

江行雜詠

江州解纜客途長。三日西風逼建康。試問誰人鎮姑熟。青山牛渚滿斜陽。十載遊踪冷燕磯。今來旅棹復將歸。却憐亭子空青極。無限鷓鴣自在飛。

平淮西碑

雪夜功成罷鼓聲。昌黎碑版照淮西。文章何意開讒妒。婦女偏能竊品題。易代摩崖爭日月。當年奮筆掃鯨鯢。只今蒼碣斜陽外。頻見遊人駐馬蹄。

巴河鎮登太乙閣

閣爲故相國姚公崑斗所建

平津賜第久荒蕪。傑閣巍然瞰楚都。高處衡廬天外伏。到來雲夢雨中無。千家煙火猶洲渚。幾葉風帆自畫圖。曾是赤眉燒不到。奎光深照斗牛孤。



題橫江館

渡頭風雨暗夫容。津吏停橈今此逢。歷歷雲帆衝雁鵝。沈沈沙館溷魚龍。運移典午人皆散。日落春中樹幾重。極目故鄉東海上。只今江漢自朝宗。

雨中泊海安鎮

不知鄉路遠。但聽岸雞鳴。曉色連雲動。寒光入樹平。遠波千葉下。微雨一篷行。似有同聲在。難爲慰旅情。

芒稻河

曉雨霏霏濕。平川渺渺流。忽驚濤欲裂。真訝地空浮。淮泗奔雙閘。蛟龍坼數州。頻年憂瓠子。生計羨漁舟。

李國宋

字湯孫。號大村。興化人。康熙甲子舉人。弱冠即以詩文名。生平所著詩最多。人以陸放翁比之。阮亭爲揚州司李。每會郡中詩人。以大村爲冠。所著有螺隱居詩集。

淮雨歎

黃霜夾雨衝凍泥。黑雲壓城寒沙飛。城頭飢噪暮鳥集。土屋陰陰蟬煙濕。洪河怒捲數丈冰。朔風吹裂波峻嶒。此時侯門人十謁。握手知誰肝膽熱。君不見昭陽李生淮陽客。敝席氈裘骨如鐵。

登牛首山

萬壑爭江勢。千峰繞白門。青林雲氣合。赤日石崖昏。鳥下半空小。人當絕頂尊。滄波流浩浩。日夜動乾坤。

河塞

丹水神泉浴日華。板桐東注接流沙。千年過洛沈周壁。萬里尋源阻漢槎。竹槌何須憂瓠子。斗泥無復泛桃花。馮夷震怒天吳怒。不敢憑陵到海涯。

寶嚴寺人日雨雪

重陰漠漠淨禪居。雪壓孤松暮影疎。燈火晝寒深殿閉。龍蛇春遠寺門虛。閒身日向江湖老。人事空悲水旱餘。南畝只今憂更切。來朝風景欲何如。

葉公墓下桃花歌

墓在府西  
北三里

葉公墓下花如霧。葉公墓上行人度。雲霞爛漫桃千株。不知何人手所樹。林邊車馬日紛紛。東風吹煙回錦茵。居人指點花飛處。猶是當年歌舞塵。物換星移人事變。繁華消息誰能見。紫陌黃沙散落暉。青蘼白骨埋荒甸。此花何日種初成。此地何人行復經。社前歸燕空思主。柳外啼鳥繞向城。可憐十載西山土。人間更作桃花圖。畫槩晴搖素舸郎。香輶早度紅粧女。桃根桃葉怨芳菲。盛衰須臾古所悲。有酒不向花間醉。朱顏豈得常相隨。君不見莎草年年北邙路。牛羊來上葉公墓。

晚登梅花嶺

獨客頻來往。黃昏嶺上頭。白雪天地合。荒草古今愁。鴻雁飢民國。牛羊故相邱。那堪吹暮角。還傍郡城樓。

李天鍾

字玉岫。先世關中人。曾祖仲梅。祖元宗。以佐佟大將軍南征功。仲梅授監軍司馬。元宗又以佐勦撫土司。授雲南曲靖府馬龍州知州。元宗遷于江都。玉岫雍正時以諸生終。著杏花春雨樓詩集七卷。文集二卷。詩餘

張萊庭同學招游擁青閣

萬山青不了。擁入座中看。漸近清明節。還餘料峭寒。功名身外事。詩酒眼前歡。賴有張文學。知予客況難。

黃

瀚字以容。號勺泉。江都人。飲籍。

發金臺

發輒金臺路。依依度薊城。風鳴弓力勁。霜拂劍花明。點點拋家淚。遲遲去國情。酒酣還起舞。腸斷夜雞聲。

黃朝美

字藹臣。號清持。瀚之子。舉鄉飲大賓。晚任讀書學禪。著磐石詩集。

芙蓉莊秋集同丁漢公仙裳弟及諸子姪。

秋發南園中。扶攜慰我心。遠山自浮翠。水氣動林陰。汀蘭與岸芷。物外多幽尋。觴咏仿蘭亭。琴酒擬竹林。道同理無隔。境閒情自深。翹首寥泬天。哀鴻流遠音。百年須臾事。爲樂宜及今。

黃

對字書思。號雪田。朝美子。儀徵歲貢生。官當塗縣訓導。著雪田集。

眞州道中

八月寒湖起白波。涼風迢遞送輕艖。水田曲堰饑鳥下。野店疎籬敗柳多。但覺潮聲遲戍鼓。況當日色老漁蓑。眞州古路常南北。舟楫勞勞奈若何。

海陵夜雨寄郡城諸兄弟

烽火連三楚。浮家寄海陵。星霜歸兩鬢。風雨落孤燈。親遠思徒切。時艱歷未曾。歸來當九日。高閣好同登。

小寒食海陵東原寓目

蕩子東下久不歸。忽逢時節尋光輝。海門初日鶴鶴叫。漁市入春羸蚌肥。處處種桃出短屋。家家醪飲喧郊扉。腐儒何事獨留滯。細數從前願總違。

黃

時字雨笠。雪田弟。國學生。以詩畫名。自瀚至時。詩稿皆雪田孫伊宣進士涿所輯。

芙蓉莊秋集

雨聲夜來急。林樹風蕭蕭。臥覺披短衣。行行出東郊。舉目歎所見。田野皆蓬蒿。一望遠山疊。哀鴻鳴嗷嗷。衰柳藏墟煙。斷橋枕寒濤。入門止邱隅。竹響如怒濤。石砌露花冷。芙蓉何嬌嬈。親朋既咸集。交錯陳醇醪。天涯一騁望。暮靄飛亭臯。登攬快襟懷。駕言誠逍遙。

江口晚步懷虞沅之書思兄客都門

落日大江昏。沙頭爭渡喧。霞明山寺路。風靜晚潮痕。古塔常京口。新鴻來薊門。客途思大謝。把臂有虞翻。

王

康字燕詒。號豫園。寶應人。康熙壬子舉人。著豫園詩集一卷。

望白馬湖

澄波如練亘天涯。萬頃蒼茫一望賒。澤國頻年沈瓠子。春流何日宴桃花。煙村遠樹三家出。漁浦輕帆幾葉斜。競社波光同一色。明珠空自夜行沙。

朱克生字周楨。號秋厓。寶應人。國子監生。明九江府知府。曰滯元孫。詩名甚著。所著有武夷山賦。秋厓集。

### 學古

北風撼庭樹。落葉何飄颻。佳人夜不寐。攬衣起徬徨。仰視明月皎。衆星澹無光。百草春葳蕤。荏苒凋秋霜。朱顏得幾何。含涕歸空房。

### 宿高沙

西風吹北雁。千里赴南征。旅客殘秋路。深更故國情。人煙連草碧。漁火雜星明。此夜孟城思。蟲聲兩岸鳴。

### 西安縣曉發

驛路杳無盡。征車易畫船。三秋不見雁。十月尙聞蟬。客夢青山外。鄉心暮雨前。故園應計日。凝望嶺南天。

### 晉安雜詩

節臨冬至後。猶見亂螢飛。露重寒蛩急。雲深毒草肥。關河今夜隔。霜雪故鄉違。戍鼓聲偏切。征人正憶歸。

東王西樵兼憶阮亭。時西樵典試河南。

我入彈琴峽。君登造字臺。風雲天地闊。日月鬢毛催。一別動經久。相逢得幾迴。客中常有夢。昨夜蜀岡來。

信歸寄伯兄侍御二首

別後學難寄。經年事可哀。窮秋賈島谷。朔雪李陵臺。絕塞空驅馬。他鄉廢舉杯。歲殘聊暫慰。喜見阿咸來。歲序逢寒食。松楸東海西。弟兄天外隔。兒女夢中啼。春事催耕鑿。征人厭鼓鼙。計程歸未得。觸目意多迷。

江行

江頭水漲沒沙堤。十幅江帆落日低。細雨寒潮都不見。兩山叢竹鷓鴣啼。

朱克簡字澹子。寶應人。順治丁亥進士。授中書科中書。擢監察御史。辛卯廣東主考。巡按福建。值海寇鬧京城。率兵赴援。與巡撫合力擒獲。請增兵仙霞嶺。築漳浦等十餘城。又度民利病。上汰冗員。革帶辦。禁株連。

蠲贖課。恤驛困。諸疏。均蒙允可。既而歸田。築覆溪草堂。讀書以老。著有奏疏二卷。政略二卷。石厓遺集若干卷。

辛卯粵東園中作

大將親臨振六韜。天書特下選英髦。軍威已慶成三捷。文采猶堪軼九臯。幾載雞臆思夢筆。一朝雁塔待宮袍。慚余竊附廬陵鑑。敢負諸賢午夜勞。

朱宣初名克宣。字元膺。克生族弟。著有述賢集。

偶題

小閣鉤簾坐夕暉。數聲啼鳥落花稀。門前舊竹供題句。買斷白雲山外飛。

冬日雜詩

山寒夕氣佳。明晦自天道。歸雲綴遙岑。脫木雜飛瀑。隕然白日下。莽莽終風暴。旅雁急南朔。飢鳥亦羣噪。人生匪金石。時異各有好。吾非屏思慮。積憂諒誰告。

朱

續字紹亭·克生子  
諸生有滄嵐稿

上已

積雨春分後。新晴上巳天。梅香還戀葉。柳色漸含煙。淺水平沙岸。荒山剩草田。看來農事起。把酒望逢年。

朱

約字博原·又字守亭·晚號良齋·寶應人·待御克簡之子·康熙壬子科副榜·教習期滿·授福建福安縣知縣·聚爲盜·得老巡檢郭茂桐往擒撫之·皆服·蒙山賊據關行劫·不受招撫·用劉順昌更番之法·集鄉勇分日困之·年七十六·卒于家·著有易經引事·存香筆記·讀

史緒鈔·同姓名錄·環溪詩集若干卷·

界平澗

山下野水流。山上茂林碧。樹古足千年。溪深盈百尺。桂棹撥輕舟。澄波搖石壁。推篷展清眺。舒眉動行客。安能稅塵鞅。小搆五畝宅。遠避豺虎郡。山水娛朝夕。

朱

經字恭亭·號燕堂·寶應人·附貢生·雲南道監察御史·克簡少子·偶儻不羈·好古文辭·有燕堂詩鈔四卷·

田家

田舍經行處。疎籬間碧溪。迴塘浮唼鴨。老屋上鳴鷄。曲突煙如霧。殘陽影漸西。耦耕洵足樂。誰與笑蟠泥。

護國寺古井歌

寺在邑湖西九十里。志云：唐保泰十二年建。按唐書並無保泰年號。又按五代史：南唐元宗李景，嗣位竊據，改元保大。寺成于此時。志云保泰，誤也。

白馬湖西舊荒寺。人云創建本唐賜。殘碑斷碣如雲煙。無從更識南唐字。中有智井藏佛龕。又云劉郎避兵地。謾語流傳恐繆悠。但悲古井同捐棄。當時鑿掘鼓滴涓。轆轤宛轉臙脂膩。碧甃遙聞哀玉音。銀牀曾灑佳人淚。寒漿閉縹始何年。素綆金瓶盡拋棄。雙桐根折雲影沈。九龍殿圯星光墜。我聞坂堵津。再讀西征記。漢祖避楚軍。其事或相類。吁嗟此井不似景陽宮。獨照寒波發長喟。

寒女吟

寒燈夜吐花。花落不成實。蟪蛄日結絲。絲多不成匹。妾心如蠶空有絲。妾命不如桃李枝。

雨過

雨過花枝潤。簾疎送曉寒。溪雲何荏苒。春意總闌珊。紅映楓千樹。青抽竹數竿。籬邊新菊好。秋夕爲加餐。

朱

字右紳。寶應人。著有笏齋詩集。

題燕堂六兄浮香亭

浮香亭子枕雙流。四面窗開一葉舟。宛似范寬圖畫裏。繡簾銀燭錦江游。

朱澤

字湘淘。號止泉。寶應人。約次子。邑增生。初得陳長齋讀書分年日程。即尋其次敘。刻苦誦習。常講求經世之術。學天文于泰州陳厚耀。能得其意。繼而專事五經。守朱子之說。辨象山陽明之非。一時學者從之。

之。雍正六年。詔書各舉所知。錄總督何世璠。劉師恕。以澤澤薦。堅不起。年六十七。卒于家。著文集八卷。朱子聖學考略十卷。朱子誨人編。三學辨。先儒圖傳考。陽明晚年定論辨。吏治集覽。師表集覽。凡若干卷。河



哲高吏相賦贊云：涵養未發，實功綿密，體具用周，敬靜合一，考亭語類，深契潛孚，讀書居業，堪繼薛胡，崇祀鄉賢，及無錫道南書院。

### 讀邵子詩

曉看溪山深夜眠，可憐人坐井中天。堯夫運會誰能契，明月清風又一年。四十餘年墮夢中，而今致一渾西東。知幾觀物應同否，子半天心質此翁。

### 自省

遺經讀久悟金鍼，學脈流傳自古今。心事致知能見大，須從克己著功深。兢兢毋懈存誠志，惻惻常懷濟世心。愛敬渾融腔子內，哲人端緒好追尋。

### 風車

江南有風車，製式該至理。八簷周於外，心木植于裏。簷動心隨之，簷靜心亦止。其功雖在簷，其機心操抵。心雖時動靜，旋轉只在此。制外有巖防，宅中有定體。久暫總常居，動亦□□耳。睹茲風車妙，常知主靜矣。

朱澤況

字敬顯，號海音，寶應人。經少子，太學生。敬宗收族，鄉黨稱之。韻善山水，著海音詩略一卷，畫法舉要二卷。

### 寓言

大風拔木，不除淺草。疾危腹潰，爪髮完好。

### 閏七夕次喬睦州韻

茲夕爲何夕。凭欄笑女牛。醵將會合意。添得別離愁。夜久漸繁露。風淒非早秋。誰家小兒女。風露獨登樓。

朱光進

字宗洛。寶應人。澤潁子。傳父學。與同里喬者齊。講論切劘。時學者奉之。居母喪。哀毀致死。甥王希伊輯其所作。爲文集一卷。詩集一卷。又有過庭紀聞。梁谿紀聞。禮禮偶鈔若干卷。

次喬咸

正逢秋氣轉。應愜讀書心。細雨抽嘉穗。微風透薄衾。端居存道味。誦習得心箴。何日親承訓。挑燈助晚吟。

朱宗光

字孟實。號雁橋。寶應人。經之孫。乾隆乙酉拔貢生。宗光雖承家學。尤得婦翁喬劍溪億指授。性情更摯。詩亦灑然德音。著雁橋詩鈔一卷。

送陳文之山東

久別已惆悵。乍逢還苦辛。半年三去國。千里一征人。雨雪經淮甸。荒煙問魯津。誰憐白髮叟。歲晚尙風塵。

過劉氏妹宅

妹氏已云歿。日月還向除。銜哀引余步。一過平生居。門巷宛如昨。帷帳撤無餘。坐依昔所次。郎伯慘向余。嶷嶷兩稚子。來前執我祛。因依不離膝。問我來何疏。愴惻不能荅。零淚霑衣裾。

寄二弟宿遷

薄暮微雨歇。涼風動高秋。獨鳥向南征。遠響過高樓。念我同懷人。滯跡在吾猶。吾猶詎云遠。隔此黃河流。黃河正泛濫。一葉安可浮。期子慎自愛。毋貽二人憂。

朱宗贊

字興田。號晴巖。寶應人。宗光弟。恩貢生。著楓里堂詩集一卷。

鍾吾晚眺

秋原曠無際。幽尋恣延眺。涼風日夕至。空林黃葉少。長河濱遠天。寒山沒歸鳥。雲路條空明。清光上松杪。

同人集縱棹園

芳園澄霽後。清賞一相從。疎柳沿沙古。寒花帶雨濃。晚風鳴蟋蟀。秋水蕩芙蓉。惆悵歸鶉歇。雙林起暮鍾。



淮海靈英集

王安國

字書城·  
高安朱文端

疏春國。先世自蘇州遷高郵。留得本來面目爲難。雍正甲辰會元榜眼。授翰林院編修。釋褐之日。一座師  
 公謂之曰。學人通籍後。留得本來面目爲難。公奉師言。故節操與之相類。壬子典試福建。一榜師

成進士者四十人。大學士葛山蔡公與焉。遷國子司業。翰林侍講。視學廣東六年。累遷侍讀學士。都察院會都御史。舊制。院門嚴啓閉。公曰。人之欲實在心。苟無欲。雖日啓門何患。乃設西齋。以讀書立

[illegible]

報官印烙。水手各給照身身驗。部議從之。公嘗奏裁革倖等冗缺。及計最。察吏不有舉劾。每日。官數易則民不靜。而吏滋奸。且大吏平昔董戒何事也。九年。召爲兵部尙書。尋丁父憂。不能歸。制府請諸朝。公贖二千金。

乃扶掖蹣跚里。願閱入觀。遷禮部尙書。適國撫請勅立侯官縣龍潭廟。公議曰。祭法所謂能出雲。爲風雨。見怪物者。指山林川谷之神而言。非指所見之怪物。以爲神也。閩省龍潭。正所云不在祀典者。且建廟多招僧道。尊真育聖。其

通禮一書，以盡允協。公時充大清會典總纂，至是會典甫竣，工部尚書先是，以疾請假，乞終身。上諭：「該部尚書，職任綽綽有餘，豈容以疾請假？且該部尚書，職任綽綽有餘，豈容以疾請假？且該部尚書，職任綽綽有餘，豈容以疾請假？」

給內庫銀治喪。並予卹典。諡文肅。三十年南巡。欲賜其子念孫舉人。後中乙未進士。翰林院庶吉士。今官吏科給事中。孫述之。乙卯舉人。並深經學。甲子淮南。

遊蒜山

期我侶極目烟嵐飛披徑躡曾岡緣源而修碕空水寒無姿淡綠生已微蹉跎一老僧隔澗開山扉

坐松窠梵響生清機谷幽光易暝江遠聲邈稀衆籟皆然合心清無是非  
慈久神彌愜徙倚憶忘歸

說前卷送送第本身  
佳每英樓真  
丁真全二  
四五七

卷之二

遊蒜山

杖策期我侶。極目烟嵐飛。披徑躡曾岡。緣源而修崎。空水寒無姿。淡綠生已微。蹉跎一老僧。隔澗開山扉。延客坐松寮。梵響生清機。谷幽光易暝。江遠聲逾稀。衆籟窅然合。心清無是非。憩久神彌愜。徙倚憺忘歸。舉手謝前嶺。逶迤窮林霏。

淮海英靈集 丁集卷二 四五七

山光引遊子，窈窕乘險絕。路歧情屢眩，徑錯興逾發。修竹翳曾陰，危松綴殘雪。衆鳥寂無聲，騷屑林響徹。石氣入昏冥，川光互漂擊。岸轉失來蹤，谿明得前白。白日下江臯，餘霞蕩晴碧。夕嵐落千尋，空色遞相激。握手尋舊蹤，一一想所歷。忽看江上月，遙遙挂蘿壁。

沈嘉植

字子厚，又字桓雙，秦州人。

蒙陰道中雪

北風吹征鞍，晨興氣蕭索。遊子事遠征，凜冽悲衣薄。陟巘望蒙陰，纍烟起城郭。四顧天沈冥，密雲塞大漠。初驚微霰集，繼乃如掌落。飛絮捲長空，須臾滿寥廓。乾坤玉結成，那堪邱與壑。我僕瘁以痲，我馬罷且弱。行行路轉艱，依依微見東嶽。安得登其巔，齊魯供揮霍。

寶帶橋看月

橋頭看月色，驛路白如霜。砧杵千門靜，兼葭一水長。關河秋渺渺，雲樹影蒼蒼。醉後饒餘興，呼童載舉觴。

九日集半園

層峯疊疊入雲高，九日登樓手重搔。白雁橫天秋漸老，黃花對酒客爭豪。四園楊柳垂明月，一片芙蓉入彩毫。茱萸百年看易盡，誰留風景待吾曹。

暮春起雲山房送家竹西北上

石林精舍倚山椒。俯瞰清溪野趣饒。幾樹殘紅飛小閣。萬重新綠隱危橋。春來花鳥供遊屐。我輩文章付酒瓢。爭奈聯吟纔竟夕。東風明日又征袍。

朱

續字繼武。克生夫子。康熙壬午舉人。著有舫齋集。

### 千松觀

環城玉嵯峨。蜿蜒不一狀。蓮臺山名。聳奇特。傑觀層巒上。龍鱗夾道周。千峯爭背向。峭壁插深淵。亂石浮細浪。捫蘿涉險巇。芒屨資拄杖。參差綠盈疇。天風散塵埃。洞門鑿何年。歲久泥沙障。錯認江南山。極目送幽噴。僻徑居民稀。永日絕樵唱。安得乘舴舺。中流自搖颺。回首白雲封。策馬轉惆悵。

湯啓祚

字仙宗。號滋人。寶應人。王式丹撰傳云。仙宗生穎悟。師周公西先生。弱冠補弟子員。經史百家。口吟手

幅。叩門投刺。仙宗即於空處。書所本原出處。牽率攷證詳確。頃刻千言。命僕發付。人人快其意所欲得。康熙庚寅卒。年七十有六。所著有春秋不傳十二卷。杜詩箋十二卷。刪刺文藥三十卷。刪刺詩藥二十四卷。自開堂賦

藥八卷。刪刺詩文續十六卷。

### 春望

春望移席還。孤山小徑通。鶴翻溪上白。梅透竹邊紅。晚日浮雲外。餘寒細雨中。隔離人並在。杯酒遂相同。

杜詩箋落橐久欲謫。真之費未果。妹丈喬幼宏爲給筆札喜而賦此。

葑菲惟君采。詩箋謬品題。不教終覆瓿。幾欲遂災梨。永矢加籬校。重爲細考稽。晚勤固應爾。午夜聽荒雞。

九月八日東田監穫有懷楊四海岳

再經此日偕君度。偏乃今秋獨我來。只把鱗螯持自劈。可知菊蕊待誰開。藍田擬罷看茶會。栗里還同送酒杯。幾向石梁西畔望。斷雲低浦且徘徊。

湯輝祚

字蔚宗。號蓮圃。寶應人。廩生。

過友人園亭卽事

安穩西溪地。招邀此日遊。樹陰低覆屋。花港曲隨舟。境遠多春夢。山奇恣老愁。青鞵偏曉事。直上最高頭。簡陸舫歸自柘溪

隱市非無地。看山賸有情。花顏酣曉露。蟲語閒秋更。坐去客誰醉。別來詩更清。羨君蘆荻裏。一棹縱身輕。

俞

梅字師巖。一字太羹。泰州人。父設。官中書。太羹康熙癸未成進士。授翰林院編修。聖祖南巡。召梅父觀見。

梅。賜師書。嘗年誼數額。特命梅充揚州詩局纂修官。分校康熙字典。一統志。分韻唐詩。政治典訓諸書。癸巳。

山四典試。閩中飛奏。減官卷正額三名。取額外五經民卷補之。孫尙書嘉謚。王中丞師。李侍御徽。皆出其門。

晚年杜門著書。撫教故人子成立者數人。年五十卒。著有治河方略。孔子家語訂正。歷朝詩雅數十卷。雲斤詩。

舟次燕子磯

乍脫風濤險。維舟燕子磯。雲空山影瘦。潮長浪痕肥。狂客吟秋水。孤帆下夕暉。倚篷無限意。目斷燕南飛。半塘弔詩人黃儀述墓



天涯孤塚水邊門。寂寞人閒北海樽。三尺荒烟埋醉骨。萬山冷月照詩魂。是仙非鬼余終信。欲殺能憐世莫論。獨惜孟光墳墓遠。隔江愁綠鎖眉痕。

次韻黎湘芷招飲

兀坐連朝雨。黃花染翠烟。化身同野蝶。放眼屬寒蟬。日影霏雲濕。秋風著草眠。共傾三葉酒。漫誦柏梁篇。

集古旗亭限韻

酒邊徒侶散如星。舊雨蕭蕭共窅冥。雲隔烟塵無限白。霜凋林木有餘青。曲欄畫壁猶題鳥。小苑黃昏孰放螢。莫唱春風楊柳曲。殘花都落古旗亭。

俞

楷字陳芳。號正林。泰州貢生。早年有俞子書三刻行世。晚年篤務理學。聖祖南巡召試。特進經學制子。力陳時文科舉之弊。分析五經源流。蒙賜閣。以纂修議敘。授華亭縣教諭。立規制。士習爲之一變。巡撫侯封張公伯行。稱爲江左大儒。所著三極易知錄若干卷。詩無事集。惟傳閒居春事詩卅首。友人俞澄夫國鑑。錄其四首。又得西澗三首。併錄之。

閒居春事

閒居春事劇。風日自開明。山意澹欲寫。溪聲閒轉清。三松眠有道。十竹醉無情。最愛芳洲草。春風努力生。登臨隨遠近。談笑及春晴。所到皆怡悅。何之非性情。尋幽趨勝致。采隱愛無名。別有烟霞地。何曾人世行。夜夜聽蕉雨。朝朝對竹陰。雲深羞月色。花落負春心。愁思徒時日。清言自古今。鳥鳴空谷外。樵藥有深林。枯坐松風上。春光日以加。和風秀芳草。曲水照桃花。雲月生文字。江山老歲華。世人羣異趣。令我思烟霞。

西澗

東澗奇以泉，西澗奇以石。泉聲入樹青，石光兼水白。起伏如波瀾，繡錯如婉孌。屏列數十尋，指摩發光澤。一巖自天開，層折下山脊。澗自天開，巖經遺谷而下。石浪翻遺谷，雲霞濺枕席。松篁回護之，崩崖卸蒼碧。谷口逢漁樵，此中有遺客。

棲霞寺

寰中四古刹，其一號棲霞。濟南靈巖，荊州玉泉，天台國清，江寧棲霞。松有齊梁色，碑傳唐宋家。塔光搖虎穴，殿影照龍沙。最喜門風遠，都來五葉花。

天開巖

絕人奇險處，沓障忽天開。一線江聲遠，千尋秋色來。逃禪存正眼，造物見奇才。選勝非吾意，沈吟對講臺。

俞

字容萬，號蘅阜，泰州人。太僕之孫，爲諸生，以博學稱。乾隆辛未，南巡獻詩，荷聘紹文翰之賜。較諸生倍加，學使道侍郎有恭，言江南獻詩者百計，惟此生詩最佳。一時公卿多美之。中乙酉科舉人，任舒城縣教諭。沒年七十二，著類苑聯珠百二十卷，尙論管窺，詩三千餘首，古文賦騷百二十篇，編年詩鈔十卷，憶舊感秋，吳陵郭北竹枝詞各一卷，書多未見。友人余澄夫，咸鑑，錄詩一卷，見寄懷錄。

登德州城樓晚眺和宮篤周韻

堅城雄峙鎖長空，高步平教鄉思融。劃斷燕齊雙眼外，包羅海嶽一樓中。洪濤亂捲晴巖雨，當日斜明遠寺楓。勝概移人收不盡，任他哀怨起賓鴻。

編類苑聯珠一百二十卷閱四寒暑未竣以手疾中止感賦

四戴江村載篋從勞勞搜輯夜燈紅熟開虎觀分修苦漫聘雞窗獨斷雄例破羣書期筏喻功墮平道等途窮何當卒業酬初志總付東風一笑中

江上觀潮

潮來一片白沙岸杳難分駕浪沈高樹連天擁亂雲千航平陸起萬馬遠空聞對此增豪氣凝眸日已曛

喬

肅字敬設號休原寶應人  
其修父子官鳳臺縣訓導

過環溪懷漁洋先生舊遊同舍弟慕韓作

先生精華錄載環溪親玉詩同遊吾品朱叔直陳冰壑兩先生

溪閣自嶙峋辛夷不復春可憐黃葉樹曾識藐姑人蒼舊今誰在文章遠更新瓣香吾有意時拂壁間塵

懷舍弟慕韓

濯枝雨過午風酣一卷黃庭睡味甘爲問東軒讀書處槐花滿徑落秋蠶

東歸臥疾有懷大兄都門從兄斯齋蜀中因寄弟慕韓江上

風吹花萼思悠悠幾處關河奈遠遊席帽五更燕市月銅符萬里蜀江秋余方返櫂劉郎浦君復看山太白樓詩酒正堪驅使在休因伏枕倍離憂

梅景春

字冠書號介堂甘泉諸生與其弟雪堂俱有詩名著寄廬詩鈔一卷

寄二弟午橋

秋風偃芳草，秋雨激流泉。原上鵲鴿飛，羽翼何翩翩。感茲懷兄弟，相思復相憐。我覺衰已甚，爾與病爲緣。時乎豈再來，逝者已若川。誦詩復學易，與爾終餘年。

薛顯祖

字南輪，號蓉鏡，如皋人。明經月峯之子。月峯以詩名於蒲中，南輪實紹其學。時同邑姜退耕太史任修，以初盛唐爲宗，不屑錚錚細響。范越山布衣捷，尙清幽要眇之思，瑰璋之詞，滌之唯恐不盡，南輪能融合爲一。

著有枕山園詩集四卷。

贈姜子元若新居

結屋蒲東隅，池水周堂下。古堤枕板橋，隙地構臺榭。我愛姜公子，情性暢清暇。幽賞結林泉，蕭疎氛俗謝。臨波褰杜蘅，種柳翳夏長。岑寂爽籟生，書聲起中夜。

八佛塘望月

山側輕雷靜，歸雲去尙留。月華波乍豔，烟淡雨初收。燈火塘邊市，星河天上秋。有人當此夕，清興入篴篴。

得書

伯祖文如先生，家富藏書，閱今百有餘年。甲寅秋，余從弟以寸牘見贈。

幸爾免狼藉，翻憐手澤驕。故非崔氏宅，歸自顧家兒。芸冷塵棲帙，編殘蠹帶饑。從今須寶惜，奕葉僅存斯。

胡香山

字夢白，號成村，如皋人。雍正癸卯進士，翰林院編修，轉河南道監察御史，著有古柏園集一卷。

紅橋卽事

廣陵城下濤聲起。小秦淮似秦淮水。河中畫船蘭作橈。橈鳴便過紅蘭橋。紅蘭蜿蜒日杲杲。畫船遊侶來何早。銀箏撥亂曲中花。玉勒迴翔原上草。可憐芳草常青青。可惜芳花開復零。纔看楊葉舒晴谷。又見荷花冒綠萍。荷花楊葉爭搖漾。螢苑雷塘疊雲嶂。但得光陰足嘯歌。休翻水調生惆悵。玉簫聲裏午風涼。曲罷淩波江月黃。冶遊憑弔情俱澹。月底風前醺醺香。

眞州絕句

邗水西來古白沙。沙頭桃樹徧開花。關情最是三春月。十里嫣紅看晚霞。涵虛亭對壯觀亭。處處欄干疊畫屏。遊女只疑山咫尺。不知山是隔江青。垂楊碧繞玉欄干。曲曲溪亭正曉寒。折贈休過仙掌路。柳屯田墓月初殘。

孫

荀字燕封。號郇村。通州人。雍正丙午順天舉人。官吳縣教諭。

姜堰夜泊

堰頭舟夜泊。劇飲坐更闌。同有幽棲志。因知行路難。一天梅雨熟。五月野塘寒。咫尺還分手。江雲兩地看。

孫寶林

字蘊聲。號心孩。郇村長子。生員。

擬黃山谷題竹石牧牛圖

天青石峭倩。竹盈渭川綠。牛背穩於車。坦步無穀棘。笛聲亂夕陽。遙山紅一角。我願飯牛人。肺肝添石竹。

孫鳴玉 鄒十次子  
生員

古晉菴看菊

別來纔十日。蕭寺一園秋。慘淡黃花瘦。蒼茫白露浮。山僧還古朴。野興更清幽。相送丁鴻去。城南足溯游。

趙秉忠 字次聖。興化人。雍正丙午副榜。晚年二  
子俱喪。其哀慘之作。爲蘆中集一卷。

悼兒詩

卽事不得語。咽塞常銜碑。拭淚一觀縷。腸斷放厥詞。往余膂力壯。豪筆辭蓬蓼。欲觀陌上駝。便立殿頭螭。奔走六七載。天門隔翠愚。鮎魚緣竹竿。勞慳空爾爲。犁色思變赤。查果求勝梨。徐卿有二子。誰不誇石麒。次子色清澈。辨慧類滑稽。弱冠赴泉壤。孤塚東湖湄。長子最秀出。孩稚推白眉。至性扇枕簾。友于叶墳隤。讀書少結礙。決溜奔枯池。作文必刮目。說詩能解頤。清言來上客。每歎阿戎奇。十五試童子。千言不肯遲。汪侯文章伯。賞識超黃驪。二十入庠序。宿將避旌旗。宗伯及司寇。各有國士知。旦夕俟鯤化。奮其鱗之而。騰身上霄漢。下視九煙卑。如何公明促。不及婚嫁期。白石慣捐玉。青霜先殺芝。突見龍媒足。僵作犀簪屍。堂僅廿年聚。亭是千秋離。阿姊哭羯末。阿母哭鳳雛。婦哭徐排楚。女哭曹吁悲。鬼伯一何酷。瞰室肆凌夷。仲將已久奪。元方旋見欺。新大而故小。物化兩熊羆。念此髮頓白。驚悼鐫肝脾。況余厭筆硯。頗笑乾蟬癡。造弓不得良。舊業傳巧篴。藏書富三篋。不獨禮與詩。豐角旣長逝。焚燒等茅茨。此外苦家累。經營衣食資。

古宅月一桁。下田雨一犁。叟亦懶葺治。荷薪煩衰師。健者倏委卸。負戴責老衰。譬如姑變婦。復持紛帨隨。茲事詎可耐。野哭囚籬籬。爲此哭之慟。行坐橫涕洟。友朋來慰問。側身避重帷。語言竟無味。慙負面目顰。更謝寓錢弔。拜跪老不支。我死亦却客。他日同一規。閉戶慘無事。種萱拾殘萑。以此遣歲月。巢父老一枝。昨行兒坐處。飛塵橫遮楣。然火立大杖。借書存雙瓶。有字寫壁窠。有文評色絲。累月不忍檢。畏之如惡鴟。生孩甫數月。剪髮髻已施。回顧乳者在。抱兒立塔墀。藐孤存趙氏。蘭或天使貽。僉云頭角異。此是充閭兒。撫育悲越俎。代施林回慈。待此春暉報。憐我秋風吹。得孫還失子。茹蘗豈含飴。九鼎嘗一瓣。聊以解饑飢。俯愧身偏側。仰接古型儀。昔聞東門吳。喪子淚不垂。又聞鄒公遠。一箱收漣洏。東山謝子卒。綠竹散咨嗟。季札畢三號。徑去何遲疑。況復留寶盞。堂構未全欹。余豈不曠豁。珠碎長淒其。一門倚家督。孝慈交責之。中閒弱一个。老稚俱孤危。上弦隔下弦。月望誰維持。所以西河淚。喪明亦不辭。天晴苦淫雨。氣暖怨涼颼。平子歌四愁。伯鸞吟五噫。語盡意不極。寓目觸所思。太息空梁上。將雛坐鵲鷗。

徐

浣字德澗·號漱齋·江都諸生·  
雍正丁未·舉賢良方正·

舟抵胥門

爭長黃池後。應知霸業灰。何勞挾雙目。定盼越人來。

吳司直

字志韓·號質菴·  
新州人·

登軍山

關得危峯插碧天。登臨秋日思茫然。泉飛樹杪龍鱗濕。人到山腰鶴翅懸。臺上有爐烟已渺。澗邊無路草俱仙。閒遊試下孤僧榻。佇看金輪出紫淵。

金

榜字縣。號寬門。通州監生。著海曲拾遺。

暮春過鄉賢周刑部墓有感。公諱臣。前明武宗朝。勅劉瑾。跪死烈日中。

西郭橋邊一片土。壘壘荒墳半無主。雨崩水蝕年復年。老獺穿開石穴古。綠字依稀銘太常。題和猶識周刑部。前朝天子柄倒持。八荒玩弄如嬰兒。周公直義不反顧。奸奄側目無休時。抗疏劾奄奄矯詔。賜跪折辱當鞭笞。是時六月炎曦赫。自朝伏蒲至日昃。陽烏爲白孤臣心。燬取堅金表裏赤。靈車歸葬河之濱。曾誰表忠作誄文。直道如弦道旁死。二百餘年事駭聞。壯哉公豈乞活者。許身早在雙闕下。曾傳屈軼指丹墀。幾見神羊嗅綠野。野客來看愁思增。誰盜帶玉翻其墻。日落陰風吹白骨。昔熏火熱今寒冰。斷碑重題泥復掩。梨花麥飯人酸感。遺蛻在地神在天。鵲啼春蕪柳烟黯。

紀

愷字翼龍。號蓉村。泰州人。郡學增廣生。工詩。沒後。子次荷。桂芳。輯其詩爲蓉村詩集一卷。

簡金鑰詞客。田雲鶴。字輪長。善詩。工書。老號金鑰詞客。

少聞君名最耳熟。長慕聲華挽軍轡。今則同鑽一故紙。滋穎生涯校殘牘。食單寧有八百里。十日或啖黃



雞粥可憐瘦沈減腰圍。滿眼白茅雜林藪。

近別西曹執法門扁大宅。遷闕雞場鄰園。

弔古常懷不死人。八詠五君皆入幅。家僮八

百一何多。陳門乃少將車僕。丈夫有志奚足悲。石可枕。今水可掬。隱德不效王湛癡。路岐不作楊朱哭。達則如蘇不成識。惑則如賈悲舍鵬。黃金不鑄百年身。白羊僅飽一肥肉。時人悠悠何足論。惟信可倚言不宿。烟霞深處好結鄰。誓將老我杉皮屋。

李

煜字堅銘。號帖堂。甘泉貢生。著有香雪閣詩稿。

### 仲秋月夜偕後村過香月堂溪亭小酌

幽人搆小閣。景物變朝昏。曲檻秋鳴竹。疎籬水護門。晚風清可愛。涼月澹無痕。所幸皆知已。閒情酒一樽。

蜨巢

姜尙遠

字履坦。號蜨巢。江都人。幼孤。母丁氏。以苦節著。載縣志。詩畫蕭疎。沖澹。與布衣沈大修。及道士惠源等五人。同在宜陵鎮東社爲詩會。

蒲團恰似老僧家。心靜真能遠市譁。半枕吟魂清蝶夢。一窗涼月到梅花。諸孫爭字先伸紙。野客談詩自注茶。不是閒身瀟灑甚。十年前已悟南華。

白雲

嶺上難持贈。高情未易攀。祇因秋共淡。可與鶴分開。倒影空寒水。橫晴補斷山。紛紛飛不盡。隨意宿僧關。移梅贈荔亭。官署兼束以詩。

根剗山園趁曉晴。一肩移贈寄情深。尙遲春破南枝萼。喜有人同歲晚心。官裏漸知分鶴愛。雪中恰省跨驢尋。花時載酒來東閣。細聽清閒水部吟。

姜

紳字脩白。江都布衣。嘗客匡廬觀瀑布。欣然有得。遂號瀑巖。尙遠子也。

搗衣曲

素腕搗寒砧。西風響林樾。關塞人不聞。吹向天邊月。

王昭君

將軍無衛霍。慷慨去和親。遠色期賢主。傾城用婦人。畫工真愛國。氈帳豈生春。回首昭陽殿。王孫啄已頻。

金陵懷古

黃旗青蓋夢降王。選舞徵歌沸建康。四海不聞歸玉帛。千秋枉自恃金湯。宮鴉有恨啼春雨。石馬無聲臥夕陽。六代烟花銷歇後。雞籠山色轉蒼蒼。

穀雨後一日訪戴鎰門不遇

昨朝逢穀雨。捲卷向誰過。知己別三日。春光剩幾何。綠圍楊柳幕。紅瘦海棠窩。不解江鶯意。無人亦自歌。

遊香阜寺

古寺蕪城北。崇岡策杖過。僧貧迎客懶。松老閱人多。帆影飛朱棟。鐘聲吼白波。鬼雄蠻觸後。曾否聽伽陀。

姜

絳字方來·號補堂·江都布衣·尙遠從兄子  
豪宕不羈·酣飲能詩·手錄釜塵集·

薄暮

薄暮柴門下·蕭蕭野思多·雲中雙鴈度·竹外一僧過·秋水明菰葉·西風老薜蘿·纓塵猶未淨·直欲洗銀河·

登瓜州大觀樓

十丈飛樓挂薜蘿·海門設險重如何·高牙晝捲江雲入·孤堞春巢鶴雀多·千里軍營沈鐵甕·百年身世老漁簑·山椒獨眺蘄王廟·颯颯雄風起白波·

訪陳漁村先生不遇

訪君乘雅興·落日好揚舲·短策去何處·閒花空一庭·修琴應到郭·入谷豈尋苓·寂寂柴門裏·苔痕轉自青·

沈大脩

字齊先·號春田·江都布衣·幼工詩善書·中年失明·築老樵書屋·益苦吟·

白龍川晚眺次陳漁村先生韻

漕隄來一綫·直瀉走長虹·浪劈山光斷·秋高海色空·魚蝦喧晚市·梁稻老西風·神女傳疏瀹·蘋蘩薦梵宮·

過永春道院贈李衡山鍊師

竹樹陰茅屋·蕭蕭帶落暉·性隨潭水靜·身與俗塵違·果熟憑猿摘·糧空任鶴飛·何時同采藥·袖得野雲歸·

江樓晚望

幽意不可慊。更登江上樓。雲歸吳甸晚。潮落海門秋。長劍憐青眼。沙鷗笑白頭。同誰搆彩筆。高咏寫滄洲。

秋野

興到每孤往。杖藜西復東。野橋隨岸曲。老樹入秋紅。牧馬嘶殘照。饑鷹掠暮空。前村新釀熟。留醉有山翁。

偕家西林訪戴鎰門昆季過石宇上人山房

故人鄰野寺。相與入禪林。得此靜中意。悠然物外心。松高庭日落。僧老院苔深。舊日詩吟徧。臨風思不禁。

商婦吟

願天莫作東南風。郎將入蜀兼入邛。願天莫作西北風。郎將挂席東海東。願天將風四面轉。江水如蓬滿天捲。不然朝朝起石尤。東西南北吹船頭。阿郎重利輕長路。稍得輕颺便飛去。

與李晴山道南別

渺渺碧天秋。寒雲淡不流。晚汀浮遠樹。落日照孤舟。燈火思前事。音書起後愁。所期敦夙約。努力慎清修。

夜宿江上

一片烟波色。濛濛望不分。晚燈依戍出。寒柝隔江聞。往事思前日。歸心托遠雲。倚樓哀鴈過。歷歷數征羣。

楊景漣

字篋坻。寶應諸生。著有梧竹山堂詩集。

三台洞

雲石結一門。嵌空出穹宇。恍惚百怪生。白晝見風雨。茲山昔曾遊。川岩限修阻。十年此重經。勝地若有主。撫懷僊鼠翔。壁蘿青可視。俯仰未能去。空山日停午。

丁壯士戰場歌

胡尚書既殺徐海之明年。淮海多倭。壯健少年丁效恭憤之。一呼而截戰者十數人。所擊殺倭以數十。既而生倭大至。俱冒敵死其事。地志莫載也。戰地在寶應城南。漕河上。余作歌紀之。俾後人勿忘。

黑雲一片春模糊。長堤亂柳愁啼烏。百年戰骨亦已朽。風雨曾有青燐無。士夫頻年寡憶記。網羅不及前朝事。海防之敗緣稅璫。嗣此又撤嘉賓堂。惡少亡命走絕國。外交內訌侵我疆。浙西廬火何倉皇。江陰望祀殊荒唐。東西沈莊事尤錯。枉死姱骨埋錢塘。么麼遺魄不得靖。無端殃禍移淮揚。端城大吏誰健者。擁兵閉壁如聾啞。受禍最劇是貪官。搏鍰不得身首完。此時風雨海門惡。料角沙頭賊帆落。戰火已照白狼山。殺聲又震雲山閣。須臾湖上蜩蝶旋。萬家化作湖中烟。小縣無城復無砦。亡逃不復見冠蓋。邑毀家亡出異人。振臂一呼起其鄰。斬倭踏倭飲倭血。倭頭落地僵其身。驍突到此一截堵。廓如清風濯大暑。鄉里有人能禦侮。自辰至巳更及午。賊徒遭者俱摧阻。赤體閃忽跳刀來。須臾匝我牆數堵。殺聲滿地塵滿天。白刃空拳勇可賈。朝行出攻暮不歸。十人一夕成千古。後來殄寇豐城李。殺氣軍聲動淮水。精悍更有戚南塘。軍鋒之冠此伊始。當令海嶠無傳烽。大堤車馬馳春風。斷戈繡蝕沙土中。何人酌酒弔鬼雄。

黃履正字義路·號剡山·又號嶠仙·通州石港場人·著有栢園詩集·好風閣文評·

梅花

望斷茅簷竹外春。閒流水隔紅塵。百年生性酸同我。一語銷魂冷向人。醉撫鬚眉輸老態。笑憑風月認前身。無端有客頻吹籥。只恐隨聲過比鄰。

秋日登翠雲閣

烟霞樂到布衣真。日日登臨不厭頻。遠樹碧消秋色早。隔村香送稻花新。誰眉風雅空千古。天遣溪山付兩人。吟到斷腸猿鶴和。不知身世有紅春。

劉志仁字尙益·江都諸生·

贈陳心堯道侶

婆娑方屆十餘齡。一段精誠出性情。自古神仙多孝子。蓬萊應已列君名。

夏蘭森字琴仙·江都諸生·

寄友札率筆書後

遙知絳帳集名流。刻燭敲冰足唱酬。作客猶懸徐穉榻。授經自解鄭公愁。琴臨淮水彈春月。酒就荒臺酌古侯。回首塵埃憐小草。幾時攜握上丹邱。

郭

東字元城·實應慶生·甚負時名·署江蘇巡撫·滿州顧公·薦博學鴻詞·

無題

銀漢年年鵲駕橋。深閨何日守宮消。簪橫翡翠雙垂髻。帶結芙蓉一搦腰。魚鑰東東春又晚。羊車轆轤夢偏遙。茂林病復千金盡。寂寞誰憐有阿嬌。

許佩璫

字渭符·江都人·迎年子·監生·官河南衛輝府管河通判·河東總督平越王公·薦博學鴻詞·旋升同知·

硯北

攜軒依硯北。小隱擬牆東。香瀉紅蘭露。涼生翠樾風。游心耽竹素。息影翳蒿蓬。吾道惟夷曠。靈臺若太空。

卜

嵩號籀園·興化人·

斷針吟爲江都李節母

李子開篋淚不止。嗟哉阿母勤針指。斷針積歲篋中藏。細碎寒光出篋底。每歲歲寒冬漏長。霜風撼戶鳴窗紙。一絲半縷穿模糊。十指凍僵皮肉死。心酸淚澀啼不止。呵指拈針還課子。十指佐食爲兒謀。何曾甕斷晨炊米。力盡形枯春復秋。嗟哉阿母泉下遊。兒思母兮不得見。見針刺入兒心頭。噫吁嘻。一寸半寸針。非鐵。篋底他年應化血。

沈

雅字天高·號雲洲·高郵人·乾隆丁巳進士·篤于孝弟·壬戌秋大水·雅偕邑紳進災祥·亟請于州牧甯公·視災水狀·水不入城·時災民邀恩賑卹·承牧命和往各鄉餉·清查被災戶口無遺者·丙寅·遷授山東海陽縣知

縣。推誠撫綏。嚴治豪猾。歲賑饑。請借糶倉穀千二百餘石。存活貧戶六千餘家。後貧戶難贖。雅毅然捐補。暨築城縣事。蝗不入境。百姓異之。足疾告歸。百姓遮道哭。著有脫粟集一卷。子錦鐸銍校刻。

羊流店登玉皇閣

一望了齊魯。憑欄興自豪。亂沙團日暈。遠樹夾山高。南顧鄉關迴。北來車馬勞。緬懷羊太傅。遙爲酌村醪。

遊嶽廟

秦嶽名天下。茲遊偶一過。山川齊魯小。松柏漢秦多。古壁畫全圯。豐碑字不磨。何時登絕頂。萬里眺滄波。

沈

銍字家儁。高郵人。雲洲子。八歲受經。讀輒不忘。補諸生。早卒。著有玩霞樓詩集。

題大兄礪泉春江歸棹圖

兩岸青山萬壘春。扁舟江上獨歸人。思牽雲樹非耽隱。夢繞鄉關爲憶親。芳草迷空征袖拂。好花開遍綵衣新。南陔詩闕今應補。未許浮名絆此身。

程

元字起予。儀徵人。與弟章垣相師友。著有寒臆唱和詩一卷。

寒衾

支離瘦骨病清狂。冷逗孤衾夜未央。只許梅開穿紙帳。莫教風起逼絰牀。披衣縱不因人熱。擁被何堪伏枕涼。待到五更清夢醒。一痕落月照空梁。

程章垣

字步千。起予之弟。



寒衾

臘至蓬門冷更深。客眠無賴客愁侵。敝裘雖可爲常服。敗絮何堪作短衾。一榻燈昏融凍色。半牀雪淨擁孤吟。星移將曙空階寂。酒力雖濃亦不禁。

石繼登

字履高。號蘇門。儀徵人。著有蘇門詩鈔一卷。

夜宴曲

湘簾碧玉交玲瓏。燭光四射人面紅。銀船飛送不得泊。酒氣暖拂香烟濃。屏隱微風歌嫋嫋。掌上雪迴舞腰小。公子筵前樂未央。樓角啼烏動霜曉。

秋曉曲

涼侵薄被生新愁。銷魂風雨驚清秋。夜來有夢倩誰解。金錢欲撲頻搔頭。簾捲簷牙曙光曉。露晞牆角吟蛩草。歌舞玉人歸未歸。睡鴨餘烟空裊裊。

瓜渚殷墨樵爲寫水香村墅清讌圖賦此以贈

短髮鬚髯感歲華。寄情泉石足生涯。憑君六法胸中出。令我三毫頰上加。香挹碧筒頻瀉酒。清分流水欲浮瓜。若教方外逢懷一。十友圖成興更賒。

圖中共九人。

石鍾瑞

字輯也。號寶堂。如皋人。乾隆辛酉舉人。孝於事親。居喪盡禮。兄恆。官孟津。貧不繼。寶堂變產濟之。既沒。乾隆十年。邑人以孝子舉之。所著有寶堂遺集二卷。

送錫山魏西疇返淮陰客舍

落落高人意，蕭然老書師。蓬飄身似鶴，散髮如絲。天地雲山在，江湖筆硯隨。劇憐孤櫂去，未卜故園期。

鄧文

字東聚，號虛雲，亦號廣詞山人。如皋人。乾隆丙辰舉人。丁巳壬戌，兩登明通榜，隨就挑南河，以廳官知縣補用。著有虛雲詩草一卷。

送姜香巖南歸

落拓青袍把劍鐔，春明門外柳毵毵。素心人去頭爭白，客路雲深水盡藍。三疊漫成思遠道，一聲齊唱望江南。揚州夢杳腰纏盡，千里何由駕鶴驂。

送石寶堂之河南

天涯同旅況，匹馬忽孤征。未別先留夢，將離轉禁聲。海雲飛不盡，隴樹碧無情。兩地成飄泊，何年返故城。蕭條人已去，寂歷駐山阿。不盡生平意，翻嫌涕淚多。寸心隨老馬，落日滿黃河。回首青冥合，長空一劍摩。

濟寧舟中

兩岸沙連雪白，一篙水帶雲藍。千里人歸冀北，十分春到江南。

杜甲

字補堂，號晚晴。江都人。乾隆十二年，由通州知州，擢任浙江寧波府知府。十五年，請任杭州。

筇樹處晤北垞承惠佳作奉荅一首

比年皆乙亥，長我恰三旬。名下無虛士，樽前獨醒人。余近患疾不飲。苦吟聯好句，列坐樂佳賓。何日牽舟去，烟波

共釣綸。來詩云。擬牽能舫隨波去。細約蘋花下釣筒。

### 炙硯

不周風緊盼朝暉。几案生寒雪入幃。凍研笑看冰作塊。熏爐略借火增輝。香消殘焰松烟潤。箸撥深灰綵筆飛。暖氣漸騰書草草。還思濯水傍漁磯。

### 醃菜

晚菰秋末最關情。風味齏鹽舊有名。健飯不妨添箸便。高吟微覺嚼冰清。好供南海銀絲鱸。略佐東坡玉糝羹。一種作鹹惟潤下。冬菹雖美嗽難平。

### 送別宮端張南華先生

料峭春寒近禁烟。珮聲初出五雲天。鉅公競作流觴會。諸名公即陶然亭上修禊。並爲先生話別。御翰新頒送別篇。先生陸辭。上親揮宸翰。御

### 洪

聲字寶田。號月航。儀徵人。弱冠能詩。康熙乙酉。召試京師。奉命直內廷。恭寫金蓮花賦。翌紀恩詩進呈。花光暖處鳥爭樹。山色青隨人上樓。髮邊芳草杯中濕。雨後青山馬上晴。鴉歸村寺日初微。潮暗柴門風自來。雨聲滿院風吹後。山色當樓鴈到初。淡雲過月猶留影。細雨沾花不作聲。數聲柔櫓青山暮。幾葉短蘆紅藕香。曉風帆影四江和。春雨人耕北岸田。皆神味清純。可入畫境。著有綠雲草堂詩一卷。錫山杜紫綸太史詔爲之序。

### 題白畫梅花

瘦盡東風只是癡。雪香深谷獨開時。紙窗茅屋疎疎影。寫出林家照水枝。  
淺寒離落孤吟處。淡月簾櫳獨醒時。惟有此花中不熱。冷官相對儘相宜。

立秋

桃笙如水印簾櫳。策策高梧葉底風。萍沼漾天雲破碎。豆棚篩地月玲瓏。十年事在家山裏。一夜秋生短  
髻中。文字京華多不賤。江南庾信尙飄蓬。

今夜

今夜客無寐。三更月到樓。哀鴻起中澤。戍鼓入邊愁。文字青衫淚。江湖白髮秋。王師開轉戰。西土會全收。  
固始旅店

客夢依淮水。帆檣月下多。縣渠通楚尾。商舶唱吳歌。櫂葉初開蘂。砧聲又渡河。故人有嚴武。小隊北郊過。  
懷錫山杜雲川太史

杜陵詞客最相思。倚櫂春江殘雪時。梁水梅花如有約。草堂社日好吟詩。功名晚路看新鬢。風雨晨星感  
舊知。回首西清無限夢。玉鞭綵筆總低垂。

和劉秋田秋夜飲集月臺元韻

怪底隨州句有神。柴門翠竹月痕新。俠腸對酒元如鐵。吟髻逢秋漸似銀。白帽三年羈鈍客。黃花九日待

詩人雖離正有西來鴈。莫笑元規騎後塵。

江亭晚別

暮山雨後向誰青。送客勞勞江上亭。往事鐘聲敲不去。新詩鷗友亦能聽。雲生柳脚秋衣濕。魚起蘆根岸火腥。涼月無端照行轡。更堪漁笛過沙汀。

海門九日和郭鑑堂明府韻

海天漠漠酒初醒。城上秋烟入杳冥。九日新霜催葉赤。五狼遙影見螺青。鄉關沙草鷗邊路。堠火風旗雁外亭。還似去年湘水別。櫓聲搖月夢中聽。

寺樓

寺樓涼雨過。酒客坐斜曛。拭盡羊曇淚。來看鮑照文。謂黃雪鴻。湖空天變水。村遠樹爲雲。漁笛依僧磬。愁中總不分。

鄆城道中

白草鄆陵路。西風晚渡河。斜林鴉陣亂。破屋月痕多。酒薄思江釀。詩成和楚歌。玉關聞解甲。起視夜如何。

東丁南溟

白下桃花酒。潭亭無限情。春愁銷月色。夜雨斷江聲。短櫂一爲別。新詩誰與評。陶家門外柳。樹樹有啼鶯。

和陸吏部集雲江寒草堂

翦棘編茆一徑新。檐楹如水淨無塵。報衙鳥喚添香吏。隔檻花招放鶴人。仁壽鏡中春澹蕩。歲寒枝上雪精神。草堂卽是光明室。坐對冰融玉潤身。

賈其辛字叶六。號澹庵。高郵人。康熙癸卯。與兄良璧。同舉於鄉。丁未成進士。初任陝西咸寧知縣。嘗吳道踪川。

數百人。咸寧學屯聚地。王師進剿。俱億旁午。大泥峪爲山陝入川之路。禁互市。愚民多以弱利獲罪。其音所全活。入浙閩分校。夜宿公館。有人從神齋中出云。爲當計所遣。其音厲聲曰。乃不知賈縣官不可干以私耶。歸田卒。年八十有四。著有雨香亭。百四樓。倦澤堂。諸詩集。

桐廬曉發

雞鳴夜將曙。徑迷光未顯。榜人理櫂喧。疎星四五點。汀洲烟已微。蔓草露猶泫。活活巖下泉。嗷嗷雲中大。山勢斷若續。嵐光舒復卷。溜急疾如駛。沙頑石瀨險。曲折勞避趨。迤邐翫迴轉。峭壁倚天開。一望盈蒼蘚。樹古互擎攬。蛟龍恣仰偃。山花錯雜開。紅碧深且淺。水宿淹晨昏。耳目任遊衍。田園豈不樂。靈異如此鮮。形勝足留連。旅愁得所遣。

范廷瑞字公茂。如皋人。

孤村漫興與友人

雲冷空塔蒼蘚滑。隴上樵歌聲不歇。白雲紅樹野橋灣。烟景迷離半明滅。我爲鼓枻時往還。水天之際看

山月山月明于墮地霜更有殘蘆聲淅淅對此寒光幽思生欲泛山陰道上雪何當與爾一浩歌把酒問天叫奇絕

王

賓

字賓王號係園先世涇陽人商於揚途籍江都康熙癸卯舉人汪懋麟撰墓誌銘其略云吾友王君仔手據木榻目直視鬚髮怒張晝不食飲夜不貼臥客往弔唁不能辭折聲聲悲號如是者五日而卒年五十五予與許給事筠菴經祖其喪集同郡同舉官京朝者會哭僉曰仔園死孝請以斬衣殮其老僕而極歸於盆盡屏居僻園予構仔園同舉會試情好尤篤君家有高樓風月之夕詩酒宴客及公車廢放齒證加長金盆盡屏居僻園予構仔園同舉會試情好尤篤君家有高樓風月之夕詩酒宴客及公車廢放齒證加長

是則君之絕筆矣

元夕步月

醉餘挈酒伴散步春燈市珠絲光炫目笙歌聲聒耳睇覽娛心意明月東方起遊女爛若雲輕風拂羅綺東鄰歡秉燭西鄰爭挾妓蕪城大賈家宴酣競豪侈誰信四郊人逃荒飢且死

立春前一日飲見山樓時蛟門歸自射陵

雲意消殘臘烟光逼早春新詞緜靜夜名酒戀歸人城上樓烏定牆陰海鶴馴三冬看又盡酬唱莫辭頻送阮天雲歸白下

那堪半載內兩度送君歸白髮生涯苦青氍事業微江梅斜照席臘雪細沾衣分手離亭暮悽然望落暉

雨中重集春草堂

溼雲依戶隱梧桐。高會今朝與昔同。小樹頓添前日綠。繁花却勝早春紅。一年酒興清明後。三月詩情夜雨中。不是主人能戀客。百壺那得又城東。

過友人別業有感

蕃釐古觀粉牆西。竹樹蕭疎結宇低。門巷依然秋草綠。可憐一徑鳥空啼。

張

楷字芳傳。號阜樵。江都人。康熙癸卯舉人。丁未進士。官延平府知府。

三坐

層巖蹻磴攀。十步一蹊灣。嵐影都歸寺。人烟直到山。老松同佛古。幽竹較僧閒。趺坐留餘興。從容取徑還。

濟上作

舟行緣曲水。落日下前灘。湖作三秋雨。山生九月寒。寺門先客閉。柘葉未霜殘。北路風塵色。經年又一看。

秦潼鎮

秦潼今有年。鄰里富鵝鴨。依人野雀故飛飛。戲藻河魚羣喋喋。老農飽飯閒復漁。閒看兒童爲織蒲。秋社聯歸人影亂。短褐將爲新棉換。向晚賈舶銜尾來。林表烟濃百家爨。頗憐辛苦柴荆婦。夜選新秬釀春酒。

李滋裕

字蘊山。江都諸生。居黃莊橋。



秋日遊黃氏桂石山莊

秋爽遭朋好，輕裝駕短航。江山邀涉趣，桂石數名莊。客至常投轄，材閒易舉觴。主人幽興處，如馬促帆檣。習習起涼颺，陰雲曉漸移。護花憐剩馥，拜石戀奇姿。收拾奚囊後，逡巡鼓棹時。烟深離別處，回首一追思。

遊甘泉山

廣陵西北部，山橫壓地軸。突兀名甘泉，救旱同川濬。岡巒二十八，列峙如拱服。上有七峯連，蒼然勢盤鬱。我昔漫經過，徒步苦炎燠。今春風物佳，芳甸思尋逐。招要有高會，恰使前遊續。平明走車騎，亭午入山麓。紆迴古寺門，疊磴先憩足。消煩酌春泉，齒頰餘芳馥。拄杖繞松篁，仰視龍岡矗。扳援陟危巔，扶輿徧清淑。烟嵐衆象深，阡陌入遙目。循行得古塚，蔓草荒碑覆。蒼蔚出甘霖，能濟窮檐哭。何緣謝塵氛，結廬此山曲。

周

虹字天橋，泰州布衣。著有天橋遺集。

駱賓王墓

古碣橫衰草，唐賢姓未殘。墓門冬始見，狼山麓草枯始見。海氣晝常寒。落跡江湖易，憐才宰相難。空餘憑弔淚，千載爲君彈。

憶嶺南風景

六年車轍天涯徧，五嶺高低覺少諳。山寺路隨雲斷續，土人語共燕呢喃。窗推蕉下聽秋雨，書枕樓頭看

暮嵐夢裏至今猶戀戀。七星巖上酒初酣。

王步墀字召臨·號楓次·寶應人·康熙子·著楓次詩鈔一卷·子大全輯錄·

曉霜

皎潔天河淨。凌空露結霜。板橋留跡遠。溝瓦試痕長。韻入金鐘冷。寒侵玉簾長。小臣懷素履。待漏肅朝裳。

# 淮海英靈集

劉承毅 字語觀·號懲亭·儀徵人·乾隆戊午科舉人·

## 秋日過白沙翠竹江村

樹裏高樓號見山。諸峯羅列影孱顏。不知花事幾開落。啼鳥數聲空自閒。

程鳴 字友聲·號松門·江都諸生·善畫·雍正時人·

## 論畫答王耕南

杜陵贈畫師。五日畫一水。意在落墨先。苦心究終始。前賢論惜墨。其意端在此。王洽米襄陽。烟雲常滿紙。

江

葵 字景韓·號研堂·江都人·乾隆辛酉順天舉人·官內閣中書·善書·傅忠勇公經略金川·奏請隨軍·凱旋進侍讀·從役灤河卒·

## 侍直舒青叔招遊香山賦呈

扈從曾聞際勝遊。摩雲直躡日邊樓。題詩導我穿三逕。踐約從君到十洲。巒沸泉聲千磡雨。蒼寒石色萬峯秋。新安大好誇山水。六六靈巒得似不。

陳萊有 字吟溪·儀徵諸生·

## 碧筠精舍納涼

避喧過古剎。聊此寄浮生。性與禪俱定。心隨竹共清。榮枯憑造物。身世遠逢迎。一榻當軒臥。翛然夢不驚。

馬祚振

字西離。號我客。江都生員。早歿。有幽篁閣小草一卷。

江干閒步

北窗睡起又斜暉。隨步溪頭面翠微。山雨乍晴巖壑瘦。江潮初上鯉魚肥。不因採藥尋樵徑。恰爲看雲過釣磯。踏徧夕陽人影淡。只應攜得一詩歸。

樊天棟

字沂洛。號鶴塘。儀徵武生員。

清明集吟香館分韻

來禽初放兩三枝。可喜微晴雨過時。風遞花香知冷暖。鳥窺人意雜歡悲。茶鑪最愛新煙好。詩句何如舊雨宜。自是閒庭相對處。東牆留得夕陽遲。

張志琴

字蟬桐。號溪泉。儀徵人。乾隆辛卯科副榜貢生。

過故居有感

歸來不忍扣柴門。三逕全無松菊存。半場牆垣荒作路。幾家煙火別成村。簷牙疊繞新蛛網。詩壁空留舊紙痕。燕子何年巢故壘。何須王謝始銷魂。

寒食

雨雨風風黯淡天。銷魂寒食落花前。家書報道炊常斷。不但明朝是禁煙。

宿王氏柳橋莊

摩詰詩中畫。蕭疎水竹村。艸芳青入座。樹老綠當門。夜月南州榻。春鐙北海尊。主賓相得處。坐對欲忘言。

張達九

字非聞。江都人。乾隆年間武舉人。性端樸。抄書數百種。筆畫嚴正。年近八旬。力貧苦吟。著有願學集一卷。

漁家

綸竿爲活計。茅舍逐湖斜。檐角曬新網。牆頭支斷叉。鄰翁來借笠。稚子學浮槎。每到秋時節。門深蘆荻花。

葉

雯字壽村。號鈍夫。泰州人。乾隆年間優貢生。

愛山江總戎招遊白馬洞

佳遊不憚馬蹄勞。愛訪遺蹤興轉豪。地爲水鏡先。生隱居處。樛逕竹陰森翠幄。過溪泉響奏雲璈。煙迷古洞千峯合。寺

俯危欄百尺高。對酒聯吟天欲暮。歸途清月動蕭騷。

江

湘字郅上。儀徵諸生。康熙己未。乾隆丙辰。兩舉博學鴻詞。

板浦過東海遊雲臺山

片席乘輕風。小洋生巨浪。蓬窗曠渺間。煙水成滉漾。引睇安所極。漫漭徒相望。蛟窟欲生霧。狂鯨現屏障。萬類恣惶惑。怪險非一狀。溟渤渺無涯。島嶼焉得傍。豈復謀安穩。渾欲論得喪。飄然念雲臺。將思層級上。

樓臺條隙見浮漚。插青幃。儼如三神山。根底屬奔放。蓬萊竟可卽。已非徒想像。步履巒岫側。邈焉滋惆悵。深幸涉靈境。良足慰遊況。平生遠征心。于此得所尙。

黃臨賦

字雲石。江都人。

絮衾

寒儒布被非云儉。新絮裝成不厭肥。自是衰年愁夢冷。豈因獨宿冀春歸。牛衣曾臥情何窘。花萼誠歡願總違。幾度東風頻送暖。呼兒攜取趁朝暉。

于

字次清。東人。著有怡怡草堂詩集。

春日同丁熙莊過藥師菴。訪照純上人。晚飲李郁齋挹翠山房。

三年盼得此相逢。躑躅芽菴路幾重。野草香乾雙屐雨。夕陽人倚一樓鐘。能辭塵垢蟬初解。爲說離愁酒半濃。何幸龍門分片席。夜窗燈火啾吟筇。

史鳴臯

字荷鶴。號笠亭。如皋人。乾隆庚申選貢。甲子順天舉人。辛未進士。改庶吉士。散館。出知浙江象山縣。廣西柳州府。年踰七十卒。

觀補亭師命作墨竹題句誌別

時在浙

本是門前雪竹枝。浮筠暫與上林期。雖然偃蹇塵埃裏。尙憶清吟月露時。十載金臺重問字。三秋鎖院鎮題詩。離懷願託琅玕影。座上春風日日吹。

史發藻字欣之·號東原·笠亭太史季子·讀書工詩詞·弱冠入學·年二十七卒·著有東園小草·

竹醉日同人集水繪園舊址范氏齋中分賦

琴亭酒榭已成塵。誰唱楊枝曲更新。只有鶯聲啼未老。水邊圓轉似詩人。  
簾波靡影共參差。客坐長廊畫弈棋。竹外一聲寒玉落。午窗驚破夢蕉時。

陶

鑑字鏡堂·儀徵人·乾隆丁丑·南巡召試·賜荷包內·綴·沒年八十·子璧·輯其詩爲南村遺藁一卷·

送閔蓮峯回邗上

相送詩人返竹西。布帆一片裹雲低。桃花塢口潮初上。朴樹灣頭鶯亂啼。剪燭乍虛聽雨榻。禁煙可憶踏春隄。江鄉櫻筍清和候。好待君來酒重攜。

追弔劉江屏先生富川殉難用葉文敏學士韻

書生辦賊事分明。變起南荒鼓角聲。絕命大書清進士。毀符羞作僞公卿。白頭萬里心難死。碧血千年氣尚生。持此區區堪報國。笑他身外總浮名。

吳正己字長思·號腹吟·東臺人·著有忍冬軒詩抄·

次女兄韻寄懷粵東施戴山姊丈暨諸兄弟

萬里蠻雲壓大江。便教飛夢也愁長。書多隔歲因梅嶺。詩少閒情爲草塘。官況不殊人在隱。別情翻似我

離鄉何時走馬羊城去。話對元龍上下牀。

孫世儀

字虞卿。號漁曹。通州國學生。著有壘松山房。冬榮館。喻花草等集。

彭娥行

彭夫仲。貧不能自存。屬彭鵲乳以活。彭不從。自縊井邊門側。

豪民生兒不自母。兒生奪乳他兒口。乳媼還當選妙齡。金錢買斷青春偶。豪家牀闥春雲熱。嬌兒嗚咽恣嫖褻。嗟乎彭娥玉琢人。顧此區區生哽咽。狂夫貴利賤清名。促伴鳩媒略卻行。豈識佳人心匪石。一絲麻縷保幽貞。門邊僵立彭娥影。門前十丈寒冰井。不見尋常曉汲時。乳花滴水酥酥冷。吁嗟冷乳不肥兒。豪家僱乳須早知。

香娘行

姓王氏。鹽板船養女。有殊色。與母行不類。歸湯。爲妾媼。僦居單店。十載食貧無怨言。夫出賣有惡少犯之。大呼。鄰嫗赴救乃免。夫尋歸。告之故。卒自經。湯藥資香。人呼爲香娘子。死年二十四。事

在乾隆辛卯六月十日。

鹽板船開侶婦喜。買得倭婿才稚齒。嬌羞早是可憐生。教就真成錢樹子。錢樹子。鐵作枝。不堪攀折空葳蕤。眼中著刺徒爾爲。單店湯家某。草屨出指衣露肘。是兒應不解溫柔。斥往伊家執箕箒。湯家門榜八百香。不須五木合都梁。春榆成麵柏成屑。十指春葱盡流血。閉門日夕飽氤氲。箇是香娘有人說。香娘憔悴雨中花。蕩子含情比艾緞。良人服賈遠未返。施施來覩郎中麻。香娘奮呼鄰母出。蕩子潛踪如鬼疾。異事紛傳暗自嗟。盼得郎歸淚如織。本是冰晶雪瑩身。素絲不染終羞澁。舊來眉譜洗燕支。此日誰堪夜露滋。



二十四齡青白日。一環素練斷魂時。君不見靈均到頭只蓀芷。蜨蛺轉九偏嗜矢。嗚呼香娘抱香死。

鹵水行

顧琢玉側室夏。如阜人。蚤玉亡。嫡以夏年少。遺媒引去嫁之。夏潛飲鹵水。陽拜別夫靈。遂仆地死。

窺觚窗。盎乾無滴。盎三升供一吸。入嚙奔崩毒過鳩。醺醺味作醍醐汁。何人爲此顧家姬。夙抱衾裯伴吼獅。一夕所天揮手去。雙雙淚血牽紅絲。浪遣雄鳩相顧盼。小君呼人顏立變。芳齡不是等閒時。春融愛上梨花面。琵琶再抱亦常情。汝況區區出微賤。烈哉赴死轉餘妍。縞素登堂拜几筵。眩轉初疑神鬼入。柔腸迸斷似危弦。君不見石家清名在金谷。高樓燕子傳芳躅。冰腸雪胃螫不枯。苦心那憚甘荼毒。射雉城高雉水清。尋常買笑都成哭。

秋懷一首寄友

涼夜秋聲梧葉動。驚起梧堂老人夢。老人頭白慣經秋。雲輕雨薄紛何用。明明如月寸心圓。指點清冷甘五弦。知音悵望隔煙水。落木寒江空自憐。

夕陽

平楚蒼煙外。春晴向夕開。不堪千里目。此際一登臺。絕島欲雲住。殘鴉背水來。茫茫今古恨。老大重徘徊。

首夏

午倦當軒坐。風光對懶梳。絮閒無意著。鶯老有時啼。一雨橫塘滿。空天綠樹齊。清和殊未遠。珍重快扶藜。

桂天培

字因之，號仙巖，泰州生員，有《天香閣遺草》。

衰草

芊眠那復逗春華，瘦影離離覆晚沙。落日城邊嘶病馬，涼秋塞上動悲笳。臺荒鸚鵡昏煙冷，塚廢鴛鴦斷碣斜。極目更多愁絕處，因風蕭瑟點寒鴉。

蔣椿年

號東川，通州布衣，年八十餘，著有《東川集》。

登多景樓

過江風日豁雙眸，多景爭傳在此樓。雲樹北低瓜步小，人煙南入甌城收。泉噴雨色霑香席，鳥答吟聲落酒甌。有客興豪追往昔，談兵猶自想吳侯。

謝天壽

字觀南，江都諸生，善詩古文，鄉人以行稱，年八十一卒。

玉芙蓉

白露澄澄玉滿卮，飄來江上點瓊姿。香生蓮渚雙清後，影淡渠塘月冷時。不羨斜陽調玉質，好將秋水溜冰肌。繁華此際都蕭索，留得寒潭一兩枝。

栗溥

栗先生字受堂，江都諸生，元八歲受業於先生一年。

平山堂觀梅

昨看蜀岡雪。梅花千樹詫奇絕。今看蜀岡梅。霏霏雪色寒無埃。曉月半溪影澹蕩。涼煙一徑香徘徊。綠華仙子銖衣疊。十里芳艷吹習習。一聲鐵笛破春寒。玉痕舞作羅浮蝶。歐公堂下皓雲深。白松翠竹交春陰。酒倚金樽吸香海。詩憑玉管搖瓊林。樓頭莫唱廣陵曲。瑤花夢斷春寥落。獨自清風倚葛巾。遠梅學放孤山鶴。

石竇玉

字寶常。如皋人。著桐月堂詩一卷。

### 江都懷古

一從作賦推明遠。不敢題詩漫唱酬。三月水深孤吹動。百年事往夕陽愁。重來勝地自春草。無限才人空白頭。萬縷千條倍悵悵。江南柳色半揚州。

### 初夏歸自泰州寺齋同冒上苑賦

驅馬旋歸阮步兵。還從虛度幽清。松陰半榻有山意。梅葉滿窗來雨聲。往事那能忘夢寐。故人終不負平生。閒中好共垂簾坐。細聽高枝啼亂鶯。

### 小病

小極慊慊不出門。秋風秋雨惱黃昏。亂鴉聒瑟入庭樹。孤枕寂寥橫淚痕。空有新詩能紀日。斷無舊夢不銷魂。伯輿未必爲情死。此意真難對客論。

寺樓晚望懷上苑病中

地偏竟日少人來。無數詩情不可裁。暮雨烏歸深樹宿。春風花傍小樓開。凌霄何必無高翼。混俗焉能有善才。多病相如勞苦憶。素琴揮罷不勝哀。

錢標 字梓蔭。號蒼齋。一號浦心。如皋人。乾隆庚午舉人。著遠大堂集。

題黃默菴歸田小照

秋風黃菊夕陽天。臨水柴門有釣船。東野堂開何所事。南昌人去共稱仙。彈琴欲奏猶闌曲。握卷猶哦寶劍篇。苦似西莊老摩詰。松筠零落玉山前。

友人至

昨夜酣歌揚子居。空簾相望泣蟾蜍。於今白紵還歸社。何處朱門可曳裾。著屐雨侵三徑草。到階人摘一盤蔬。朝來擬共姜公子。攜酒乘船過爾廬。

厲 炯 號曉樓。儀徵人。著曉樓詩鈔一卷。

方可村待詔招同于清澍學士伍受軒郎中汪曲江廣文集陶然亭

春明門外路。解轡息征塵。書劍隨身老。鶯花入眼新。幾杯燕市酒。滿座故鄉人。良會惟今夕。方干拜莫頻。

李義門寄小照索題

暮雲春樹苦分離，喜得披圖慰遠思。可念天涯倦遊子，鬚眉也異別君時。

江大銳

字筆峯，號樵所，如皋廩生，著有燕遊近艸。

晚望

日落天無際，鄉心入暮雲。青山橫斷嶺，黃葉捲秋墳。何處樓臺是，愴然涕淚紛。蓬門風滿簷，極日感離羣。

鮮虞城樓秋眺

睥睨遙臨萬壑開，清秋送眼此登臺。雲從雁塞龍沙起，山接黃羊白草來。壞壘人耕多矢鏃，重關風動有氛埃。紛紛戎馬交馳後，營闕難尋宿草堆。

王楠

字醜文，號讓亭，甘泉諸生，居邵伯鎮，博覽強記，精文選理，善畫，嘗試角黍射雁二賦，李侍郎因培以爲此，試得二人，江都汪中，甘泉王楠也，著有青箱堂詩集二卷，賦一卷。

古詩贈汪中

孤鳳出丹穴，毛羽成文章。來集枯桐枝，霜霰摧輝光。哀音雜簡韶，延頸思朝陽。下有窮巷士，側耳中心傷。同聲諒難云，清夜起彷徨。

吳人隔煙渚，贈我瑤華音。何以致區區，報之雙南金。飄風蕩白日，忽然墮西岑。燕婉及良時，所期相知心。游鴻入高天，潛魚下深潭。此心結終古，鬱然寄鳴琴。

窮澤生異草，非蘅亦非荃。春女不能採，委棄蓬艾閒。願言貽君子，悠悠阻前川。前川亦匪阻，會合良獨難。

努力保幽貞。芳馨幸自全。歲寒有松柏。庶訂同心言。

寒月歌

黑龍蹙縮鞭元冥。圓穹凍拆琉璃青。金鴉折齒墮蒙谷。白榆幾葉紛飄零。羿妃冷雪鍊貞骨。元風戒塗運桂窟。格磔搖輪碾迸螢。絳河直渡層冰滑。人間丙夜霜華封。金波漲海凝不鎔。邗江老蠶僵齒瓊花故苑清如水。煬帝笙歌悄不歸。紫簫聲斷妖妃死。我曳彩衣飛不起。孤光蹴踢銀橋尾。凌兢起粟聳鳶肩。舞女嫣然粲璫藥。繡裳玉斧吹輕毫。廣庭翠薄丹蕤凋。姓字模糊看如夢。若華剝蝕蝸文交。羈縻慾界苦薰灼。一服刀圭乞靈藥。頑蟾噴浪激星芒。滿掬涼津澡塵魄。

初冬偶述

紙窗白日炫冰油。景氣孤清異素秋。水母薦盤初壁絮。木奴防雪已披裘。閒中展卷眉心闊。醉裏臨書指節柔。獨歎交遊寥落甚。甔臚舊會與誰修。

丁

汲字套泉。號井亭。通州海門鄉人。乾隆己卯舉人。官安徽東流縣教諭。

衰柳

不盡江天思。淒淒古道淪。飄零此日淚。歌舞舊時人。短夢生樵斧。柔情老釣綸。夜來南陌望。松柏兩憐侷。

朱景淳

字厚蘊。號碎原。泰興人。乾隆乙酉選拔貢生。著有循陔策。遊星池等集。

白紵舞詞

春雲低戶簾初卷。後堂芳樹流鶯囀。吳姬垂手步迴翔。翠翹錯落珠襦展。流光逸態神暗飛。欲前復卻揚清輝。錦絲清切中情發。雲屏不動蘭缸微。水晶如意玉搖步。鴛鴦薦上金蓮吐。七盤妙見掌中身。驚鴻瞥眼仍迴索。列燭蛻脂光燦燦。縷紋滿鼎添鳳炭。玉壺送暖歌樂康。華月明星夜未央。

盧溝橋望西山

霽爽微雲衢。林巒開綺障。春樹鬱佳哉。晴原氣清曠。北達桑乾河。匯流恣潏潏。百丈駕臨梁。長虹落天上。笏石交嶙峋。雕柱屹相向。飛沙吹明駝。落日轉塵鞅。升路紛彈冠。歸程記祖帳。帶水自千古。風雲走萬狀。五城天外懸。雙闕雲中望。遼道喜無偏。初識皇都壯。

黃考祥

字繼亭。興化人。乾隆乙酉歲貢。任金山學訓導。

江行

不意長江路。輕帆如此行。午煙瓜步岸。初月石頭城。神怯連宵雨。心蘇半日晴。浮槎想上客。容易卽前程。

聽雨

風將雨去又將還。人在孤燈一卷閒。昨日晴憐上巳節。來朝青看隔江山。夢知憶處翻嫌短。春到歸時不更閒。爲想故鄉耕事起。細溝新水綠潺湲。

宿寧鄉

百里歸帆一半程。孤村人共鷺鷥情。水中月色移無迹。蓬背霜華聽有聲。沽酒已遲人更寂。叩門猶遠夢先成。遙知兒女連宵話。都向團圞事裏生。

朱

源字昆來。江都諸生。早卒。有柳軒近草。

感懷

春花不常榮。秋月不常滿。人生天地間。倏忽若假館。壯夫困帷薄。志士安飽暖。取鏡照華顏。蕭蕭髮猶短。

江

潛字佩水。號話坪。江都瓜洲人。江寧籍。諸生。工詩及小楷。兼善章奏。乾隆丙辰。薦舉博學鴻詞。

見鷓鴣

青草湖頭苦霧侵。黃陵廟裏落花深。鷓鴣爾是南巢鳥。榆色秋風恐不禁。能言不比青鸚鵡。一樣雕籠鎖短翰。從此莫啼行不得。黃蘆苦竹好相安。

送秋

天半頽雲忽不流。悲吟楚客倍添愁。青衫已濕霜前淚。紅樹難留葉底秋。縱有濁醪消永夜。絕無清興倚高樓。詩情頓覺多蕭索。也逐西風一夕收。

重過紅橋



日落風微暑氣清。綠楊城郭一舟橫。十年夢裏鎖魂路。今日重來眼倍明。  
曲曲青山澹澹波。易句留處易消磨。關情最是紅橋柳。繫得愁心爾許多。

江棟字伯山江都人。

過汪處士故居

堂上依然絕點塵。花開猶似昔年春。獨憐燕子歸朱戶。只訪雕梁不認人。

江百穀字耕禮儀徵諸生。

早渡高淳湖

曉渡平湖口。霜楓夾岸紅。雁書雲漢北。日射海潮東。溼氣連晴靄。波光漾太空。衰年歸故里。逸興寄孤篷。

張秉彝字仲倫號南屹儀徵貢生乾隆辛未南巡賜內殿荷包年六十二沒著有萊園集·春草集·黃陽集·清輝堂集各一卷。

雨後過峨嵋院

踏徧青山懶再登。好來江寺對閒僧。西風殘照晴無際。落葉昏鴉亂幾層。白社不妨容載酒。青衫可許悟傳燈。誰能識得真如意。籬下花開是上乘。

暮秋李亦亭含碧草堂送徐介山。

不得名園聚。誰知判袂難。離情同雁冷。客夢過湖寒。行色秋千頃。流光指一彈。殷勤此佳會。幽興肯教闌。

清簡草堂聽吳山人彈琴

正聲久不聞。涓高亦已往。靡靡箏琶音。但得俗耳賞。山人東海來。風濤佇遐想。抱琴不輕彈。野意自疏爽。有時鼓再行。流泉四山響。坐客寂無言。秋風動書幌。

初夏招同古贍樓團鶴筴。王玉船西圃。蕭鄧林。許棠東。汪荔亭。呂梁州。李晴川。東坪。典山。潘瘦山。集南園。分得山字。

江上名園水石環。招邀閒客快追攀。啼殘紅藥鶯聲老。吟到綠陰人意閒。通港小池初漲雨。過牆新竹半遮山。不妨歸路斜陽暝。喚得輕舟載月還。

程南陂秋曹同王孟亭太守過訪卻贈

高臥澄江快擁書。陳情早歲謝簪裾。管弦春引東山屐。水竹秋深履道居。一代詩才擅元白。老年文筆妙應徐。如何清興同摩詰。肯向蓬蒿訪敝廬。

新秋陳玉几王孟亭諸君小集城南水亭雨中分賦

愛此溪堂書不扃。蓼紅蘋白護沙汀。秋光著水涼生袂。小雨催詩響到亭。打槳客來花港暮。撈蝦網歇柳根腥。不嫌供給山家薄。倒盡風前雙玉瓶。

雨中有懷嘯門兼簡鶴田

短檐終日滴秋霖。碎盡芭蕉寸寸心。小沼忽生三尺水。凝雲常覆半庭陰。閒中病酒教煎茗。天末懷人自撫琴。羨爾高齋讀書客。一編冰雪正長吟。

漁灣

使君不再來。亭館餘廢址。風流記昔年。託跡漁蠻子。絲竹邀清歡。壺觴集名士。歲月曾幾何。浮雲散如此。秋雨鳴寒螿。春風生白芷。惟有江南山。青青隔江峙。

挹珠菴

亡友田紫田讀書處。

亡友讀書地。含悽來一訪。叩門無人聲。松竹作雨響。老衲何處山。談禪落空想。竚立眞珠泉。獨望孤雲往。

別明見上人

移菴更深居。而不厭生客。飲水堅道心。說法悟頑石。一榻臥白雲。三宿留行屐。小別話溪橋。曉月挂巖隙。

攝山渡

行行攝山根。望望攝山渡。小市烟火微。石橋桑柘護。人語水邊村。牛鳴原上路。停策檢歸裝。小艇沙頭住。

天門山

望望東梁翠影多。西梁相對鬱嵯峨。乘潮打槳江南去。回首天門一瞬過。

贈丁丈敬身

耳熟錢塘丁隱君。造門相訪樹爲鄰。讀書奉母樂復樂。飲水耕田貧更貧。湖海客來常閉戶。鶯花時過不知春。居憂卻訝王戎瘦。六十餘年至性人。

樓雨

蕭瑟蘇臺雨。春深滴小樓。客同蝴蝶倦。花爲牡丹愁。旅夢歸孤枕。輕寒上敝裘。論心賴知己。羞說帶吳鉤。

吳

廉字景維。號峭川。儀徵人。知府銜。著有清榮齋屋吟卷二卷。

冬日郊行卽事和張曉村韻

霜後疎林葉半黏。冬郊風日轉清恬。村無胥吏科徭少。戶足雞豚穀價廉。矮屋趁晴萌早葢。荒祠課雨卦頻占。紆廻共踏斜陽裏。隴麥才芽綠尙纖。

飲東城酒家

瀟灑城東賣酒家。香茆亭繞竹籬笆。採將戢戢新蓮子。斲得纖纖嫩筍芽。紫扁豆纏門外樹。紅蜻蜓立水邊花。西風徙倚長隄上。醉看兒童數莫鴉。

秋日返眞州道中作

秋原蕭瑟暮雲屯。隱隱遙山碧一痕。憔悴綠楊臨斷水。淺深紅樹出孤村。荷鋤人唱西風路。沽酒帘飄夕照門。無限吟懷消不得。隔橋新月破黃昏。

采菱曲

平望湖邊波淼淼。輕烟初散秋風曉。秋風吹動采菱舟。舟上雙鬟花插頭。畫槳慢搖入菱蕩。采采青菱發低唱。見人羞澁斂行藏。伴弄菱盤露半妝。喚擲青蚨買盈斛。那知摘盡纖纖玉。

仲鶴慶

字松嵐。泰州人。乾隆壬申。江南解元。甲戌進士。官四川知縣。著有追暇初集一卷。

離別難和吳甌亭

離別難。蒼烟落日兼葭寒。執手苦於邑。聯影立河干。河干昨夜西風急。兩月不歸惱行客。稚子傳經燈正紅。老親扶杖頭俱白。旅人拈柘枝。載歌離別詩。樂莫樂兮新相知。臨岐把袂殊遲遲。開函贈我五色芝。無以報之青城絲。中有一人前致詞。欲語不語涕漣漣。青蒲一束酒一卮。爲傷去時憶來時。來時秋未老。露浥夫容小。西風菊綻遲。明月鴻飛早。與爾共題箋。墨花零亂生雲烟。與爾共賭酒。高天寂歷回珠斗。與爾共乘舟。紅燈夜月蘆花洲。與爾共買笑。藐姑未嫁文君少。同心之言。臭如蘭。無端爾去予心酸。西風吹秋秋漸殘。慷慨爲歌離別難。離別難。倉卒彫朱顏。十六橋頭水潺潺。行蹤不定如波瀾。君不見勞勞亭。斜陽芳草何青青。又不見情盡橋。垂楊離恨一條條。古人淚接今人淚。歌眉低壓雙峯翠。孤櫂先愁道路長。華燈且盡尊前醉。明知相別還相逢。眼前揮手太匆匆。君歌我歌歌未終。小橋流水悲秋風。秋風悲。流水咽。離別難。離別難。離別難。

舟行懷劉硯。卽簡趙滌齋。

故人曾說梅花居。梅花開罷無尺書。一春睽隔萬回夢。兩日綢繆三月疎。蘭槳重游舊時路。柳亭誰買今番魚。相思不見望邗上。問君悽惻常何如。

東淘晚秋

西風一櫂海東頭。九月新晴正暮秋。遠水綠歸漁子艇。夕陽紅上老僧樓。花飛蘆荻迷棲雁。粉墮芙蓉冷宿鷗。正好單衫快游興。沈寥天氣不須愁。

落葉

舊日長條不可攀。淒淒槭槭下空山。高樓明月夜如此。古戍西風人未還。四壁蕭條傷暮景。一天搖落想衰顏。夕陽多少前朝事。堆滿荒苔不叩關。

蛛網落花

閒情豔景愛山家。蛛網層層罨落花。蕩子銷魂春緒亂。美人香夢竹簾斜。裝成朱絡青絲鼓。唱到紅么蘇幕遮。最是憐芳風力巧。不教簿命委黃沙。

崇明懷古

十郡屏藩勢必爭。幾人亡命幾人存。網艚不署將軍爵。航海空傳光祿名。馬蹟山前雲作陣。鼉鼙窟裏夜

交兵滄江一戰無歸日。留得風濤捲怒聲。

登烟雨樓

輕舸一葉轉迴塘。水殿秋高七月涼。樹底人家見城影。日邊樓閣浸波光。紅衣欲謝芙蓉老。翠角初翻薜荔香。立徧西風不歸去。玉蘭花下說南唐。

崇明客中送湯如海遷乍浦參將

水犀原不畏風波。移節重聽織女梭。櫓李尙連吳社稷。金鼇已控越山河。輕裘緩帶籌邊客。石鼓銅鑊大海歌。獨我送君惻惻甚。鄉情誰似老湯和。

次韻別西垞

翠管紅牙夜不休。接天燈火古揚州。蕭閒只有南關客。倚徧夕陽江上樓。

別王書圃

一逕西風一夜霜。酒闌歌散別王郎。門前百里東淘水。流過龍溪是故鄉。

陸

端字正夫。一字方山。乾隆己卯舉人。官學博。本籍浙江歸安。占籍儀徵。父名師。號獻度。宰儀徵。多惠政。嘗修學宮。輯縣志。邑人至今德之。

題畫薊花

薊花風起意蕭涼。水面初開風露香。此際含毫倍惆悵。相思夜繞弁山陽。

吳

鑾字牧田江都人

六月十六夜泛舟登平山堂聽徐山人彈琴

夜靜乘清興攜琴上蜀岡松梧漏微月風露有奇涼天籟自澄寂弦聲何抑揚無端驚鶴夢小步在虛堂

吳煥仕字竹如江都人

過飲水香村墅

修竹喬柯路識纔汪君嘉遯古城隈人隨野水過橋去鶴在空廊踏葉來交豈羊求三徑僻譽多顏謝一樽開慚余牢落頻中酒日暮江村首重回

王

昨號舊園江都布衣貧老江湖著丸沙書屋孤吟集六卷每卷一題成七律數十首本今不全略摘其句於借雲一榻烟波愁裏去六朝風雨夢中銷鏡裏有顏皆白骨世間無淚不黃金歛斜老字三分活檢點殘書一半無皆奇偶可傳

秋日江村寄懷五弟祉

春光幾度別離天雁字魚書又一年乘我洲邊新買宅歸來江上學耕田

項

炎字樹堂一字鹿田江都人

春暮喜常近辰司馬復來湖上

司馬江州客湖干今復過尋詩牽畫舫浴研就清波舊雨樽前滿春風柳上多蜀岡知不遠路曲繞烟蘿



畫船呼暫泊。入寺共憑窗。碧落淡斜照。白雲生遠江。苔深碑一一。簾捲燕雙雙。清磬虛堂出。塵心到此降。

項夢魁

字北野。江都人。

六月十六夜。泛舟登平山堂。聽徐山人彈琴。

扁舟泊蓼岸。踏月到深林。樹影秋銜寺。泉聲冷入琴。片雲飛細雨。孤鶴伺餘音。境界清如許。烟城香夢沈。

程志乾

字學堅。一字晉舫。江都人。

紅藥橋

舊譜名花重廣陵。石梁從古擅佳稱。不知紅藥何年盡。空有朱欄此日憑。僻巷蝶稀飛野燕。荒廳客散坐枯僧。尋春到處增招恨。不獨橋頭感廢興。

芍藥巷。芍藥廳。皆揚州古跡。

黃爲兆

字占弼。號墨莊。江都人。官饒南九江道。改刑部貴州司郎中。

春柳詞

六朝烟景舊如何。亭榭秦淮記屢過。春水半篙新漲綠。社公雨後麴塵多。

江

崑字伯峯。江都人。

春日登平山堂

眺遠虛堂上。憑闌倦眼開。江光浮塔去。嵐翠接天來。古道無垂柳。殘碑有暗苔。山僧誇水味。埽石置茶杯。

楊

璦字心璠·一字林阜·儀徵人·

題美人解髻圖

袅袅春雲委地垂。翻嫌髻樣鬪時宜。人情未必今猶昔。莫遣桓家郡主知。

杜漸鴻

字五沙·一字南帆·又字東培·泰州人·

釣魚

釣魚如釣雪。蓑笠一天風。鶴氅者誰子。羊裘或此翁。遙情歸浩蕩。朔氣入空濛。定得奇寒句。霏霏落短篷。

易

諧字翼勤·一字松滋·江都人·

送秋涇入長安

河聲流太急。把手獨依依。野水沒荒草。孤鴻落下暉。寸心知自許。長路可閒機。短髮相看白。天涯何日歸。

常執桓

字西北·一字榮畦·江都人·

紅橋送春

年年惜別在河橋。說到春歸鬢已凋。大抵一生能幾屐。那堪三月剩今宵。天涯草色添惆悵。柳外鶯聲送寂寥。欲買黃金鑄買島。爲渠詩句足魂銷。

張兆雷

字雨田·江都人·著默菴吟草·

春暮游鄭氏休園

谷口風光好，春殘偶一過。古藤垂絮遠，老樹覆垣多。倚檻思華構，臨池見璧窠。到來今始信，城市有巖阿。

汪士儒

字伯堂，儀徵人。

野堂招看牡丹

穀雨花爭發，招攜石友心。月方明似水，春合貴如金。院敞青油捲，杯香綠醕斟。豔酣愁欲睡，把火照宵深。

季京泰

字芝彩，泰州人。

送北垞還眞州

天地能容幾輩閒，雪風如此度閒關。酒緣知己驅愁去，詩重交情送客還。永夕坐寒常戶水，孤舟夢老隔江山。溪橋十六啼鶯早，待訪垂楊綠一灣。

杜明德

字立人，一字馨齋，泰州人。

題畫

一聲長笛滿江秋，荻葉蕭蕭客繫舟。識得波心珠一顆，浮沈天地總無愁。

魏祥聯

字星願，一字藉莊，儀徵人。

題滄浪漁笛圖

笛弄滄江萬里秋。碧天淡蕩月明舟。就中識得先生意。今古茫茫著甚愁。

吳

楷字一山。儀徵人。邑諸生。乾隆辛未召試二等。被綵緞荷包之賜。爲孝友。愛交游。有含齋詩三卷。丹橘林詩二卷。長洲沈文愷。嘉興錢文端序之。

初夏余丈葭白招同程汧江太史。厲太鴻。孝廉。陳授衣。閔蓮峯。同學。識集。

草堂雨歇乍晴時。櫻筍廚開共話宜。花徑破烟緣客到。棊聲向晚得杯遲。張憑入坐頭方黑。荀淑歸來鬢已絲。笑我忘年與良會。好風同醉習家池。

父病。乞金陵楊孝稚。覓獅子油。

昔聞畫獅子。病瘡可以止。今聞獅子油。病瘡可以瘳。家君不能食。夏杪經麥秋。乍聞此方書。頓破舉家愁。顧安所得此。東西南北思。悠悠爲子者。旣不得魏武之貌。以生據其頭。又不得波斯之產。黃者白者擇其尤。家貧恨無東箭。南金相市。易異物。殊非遵山入水。能窮搜。中夜不能寐。食不下咽。喉側聞金陵世家子。先世嘗爲佐命侯。玉門關外得白澤。氣吞虎豹。威熊彪。飼養之恩。縱云厚。山靈之性。安能收。得其乳。藏玻璃盞。取其脂。祕蒼玉甌。迄今雖歷數十載。治瘡功與金丹侔。疇曩與君飲酒。舫閣上。君言是公鄉里交。最稠。侍側不得奮飛至。馳書百拜向君謀。神仙大還君掌握。迅速乞與無淹留。長江舟楫一日爲置六七郵。調羹劑藥恃此以爲祝。噫之白鳩。家君本屬无妄疾。老天畀此當無憂。安得阿育柱上一聲吼。吾當面向神物稽首求。

題從父仁趾先生詩集後

弱冠慕古人。詩書研幽獨。老成一家言。自號樵貴谷。

先生刻有樵貴谷集行世。

聽翁以盲老。

謂族父蘭次先生。

先生爲飢驅。長安驢背上。名士來相於。

生常兩戊寅。

吾兄亦下世。

掩面向薊雲。更屑眞州涕。

先生年六十一。得仲子阿強。集中有示阿強詩。先君子入都。擢之南歸。繼眞州子蕃從父後。今吾兄亦沒。

讀雄雉齋詩。憶陸八。

詩乃陸魚山持贈。今下世三載矣。

猶記論風雅。於今竟杳然。晴窗書六卷。春社酒三年。自昔稱先達。多能引後賢。何當檢遺藁。爲附虎頭篇。





